

nomen quod est Emmanuel, exprimet in eo utramque naturam, divinam et humanam, hoc est Deum hominem esse factum inter homines, hunc Virgo concipiet et tanquam filium pariet, ut inimicitarum vindictam exerceat, ac matris injuriam vindicando de serpente triumphet. Illa sententia Domini veritate completa, qua dictum est : *Ipsa conteret caput tuum* (*Gen. iii*). Iis contra fortem virtute fortiori procedet, sinistra pugnabit ut dextera, pro matre filius, pro homine Deus, fletque pro primi parentis delicto redemptio vera, pro dolo decipientis Victoria gloriosa. Hunc Virgo concipiet, et pariet filium, et vocabitur nomen ejus Emmanuel.

Judæorum objectio contra virginitatem Christum patituræ. — Alma vox Hebraica quid significet.

77. Hic resistunt Judæi, affirmantes nequam haberi in Hebraico quod virgo concipiet, sed puella. Quibus respondemus, ut dicant nobis quæ fuerit illa puella quæ concepit filium, de quo propheta nunc loquitur. Qui nisi ad opiniones superius explanatas se verterint, minime poterunt aliquam reperire, quæ hanc prophetiam impleverit, et illas omnino falsas puto sufficienter satis esse probatum. Præterea illud quod nobis objiciunt in Hebraico non haberi *bethula*, quod Latine dicitur *virgo*, sed pro hoc verbo scriptum est *alma* quod *puellam* sonat, audiant apud eos *alma* verbum esse ambiguum, et non tantum *puellam*, sed *adolescentulam*.

A vel *absconditam* interpretari, et non quamlibet puellam, sed infra annos puellaris constitutam, ac parentum studio diligentissime custoditam, et quæ nunquam patuerit virorum aspectibus resonare. Simulque respondeant ubi unquam legerint *alma* possum pro muliere nupta et virum experta. Rebecca quidem dicta est *alma*, sed antequam perveniret ad nuptias Isaac. Itaque sive *puella*, sive *adolescentula* dicatur, pro nobis facit. Utrumque enim recipimus, quod puella fuerit minoris ætatis, et adolescentula infra annos puellaris. Cum id probare non possint, neque per historiam, neque per auctoritatem, quod de viro conceperit; dicant nobis quæ sit ista mulier, sive puella; vel quis sit ejus filius, et nos pari erimus assentiri veritati per omnia. Hoc tamen B caveat ne dicant aliquid super hoc capitulo quod probare non possint. Adbuc enim, ut mihi videtur, super eos sententia manet, qua dictum est : *Excœca cor populi hujus, et aures ejus agrava, ne forte videant et intelligent, et convertantur et sanem eos* (*Isa. vi*). Quæ Dei misericordia relaxabitur, quando velamen auferetur a facie Moysi, et pallium de vultu Eliæ, ut residuum populi Judæorum saltem posteriora Domini videat, ac eum per passionem et mortem ad gloriam majestatis pervenisse cognoscat. Haec contra Judæos de præsenti capitulo breviter dixisse sufficiat.

LIBER

DE

DIVERSIS ORDINIBUS ET PROFESSIONIBUS

QUÆ SUNT IN ECCLESIA.

(D. MARTEN., *Ampl. Collect.* t. IX, col. 1027, ex veteri codice ms. S. Jacobi Leodiensis. — Haud contemnendus hic libellus scriptus fuit circa exordium ordinis Premonstratensis, quem miris sed meritis effert laudibus auctor anonymous. Is nobis canonicus regularis fuisse videtur, utpote qui longe prolixius de canoniciis quam de monachis tractat, et de illis tanquam membrum illius familie loquitur, num. 34 : *Si enim inspicias vigilantes nos, inquit, et orantes, quomodo stupeant homines et dicant supra se esse quod agimus*, etc.

PROLOGUS.

Dilectissimo fratri suo R., unica dilectione sibi conjunctus frater R., viam Dei bene ac fidenter, ut cœpit, tenere, in qua aliis sic, aliis sic ambulat.

Cum ab initio surgentis ecclesiæ diversi servorum Dei prospectus, diversique extiterint professionum status, et maxime nostris temporibus diversa monachorum canonicorumve surgat institutio in habitu vel cultu, ostendendum est, Deo auxiliante, quæ in talibus Dei servis differentia, quæ intentionis sit in diversis professionis forma. Ad demonstrandum ergo quod istæ diversitates professionum Deo pla-

ceant accingor. Primo loco sermonem habiturus de diversis ordinibus et professionibus monachorum et canonicorum vel aliorum, secundo de habitu diverso, tertio de epulis, quarto de labore manuum; neminem vere moveat, quod ordinem professionum aliquantulum mutatum inveniet. Nam pro certo scio canonicos monachosque majorem locum in ecclesia tenere, et tamen neutrum horum primum positura reperiet. Ne enim dicatur de me, quod in hoc opere quero quod meum est, meque honorare velim, ideo canonicos primo loco non ponam. At vero nec monachos primo loco ponendos putavi, ne quis cano-

nicorum conqueratur, quod qui initio primitivae Ecclesiae primi ad opus Dei et testimonium Jesu esse meruerunt, primi ante monachos, qui postea esse cœperunt, positi non sint. Ideo ergo ita de ordinibus et professionibus tractare disposui, ut eremitiæ, qui pauciores sunt, et aliquando soli habitant, primi ponerentur, sicut cum numeramus facere solemus, ut ab uno ad plures numerus surgat, et multiplicato numero, computator ad unum redeat. Verbi gratia cum ad centum venerit, si quid numeret adhuc invenerit, rursum ab uno numerare incipit. Ita et hic faciemus, primum eremitas ponentes, qui pauciores sunt, et soli saepe habitant: deinde monachos quorum multiplicior est numerus, sique ad canonicos veniemus, quorum maxima in diversis locis et frequens habitatio diverse viventium esse comprobatur. Deinde rursum incipientes ab inclusis, et ab his qui continenter vivunt, et nec canonici, nec monachi, nec eremitiæ, nec inclusi, sed deicolas, vel licoisi, id est quasi legis custodes possunt dici, ibidem revertetur ad mulieres, quæ eremiticam vitam ducunt, ascendentes ad sanctimonialium sanctitatem, neenon ad illas quæ cum sanctis vel sub sanctis viris jugum Christi suave suscipiunt. Ad ultimum vero pene ad inclusas et mulieres deicolas, quas licoisas, id est *legis custodes*, vel nicoisas vulgo vocamus, quasi sanctum Nicolaum imitantes, ordinem professionum terminabimus, ut postea de habitu et epulis et labore manuum liberius pertractemus. Postea autem subjungam de diversis ecclesiarum consuetudinibus, ostendere cupiens in Ecclesia Dei nihil agi ex consuetudine, quod ipsi conditori et capiti ecclesiæ non placeat. Agitur Dominum Deum nostrum, conditorem omnium rogamus et petimus, et te ut roges precamur, quatenus nos de institutione servorum Dei locuturos adjuvet, ut eorum vitam imitando, ad sanctorum societatem pertingere quandoque valeamus. Valeat in Christo dilectio tua, frater charissime.

1. De eremitis qui saepe soli vel cum paucis habitant.

4. De diversis ordinibus vel professionibus sermonem habituri, quæ a religiosis viris saeculi pompa fugientibus in Ecclesia Deo tenenda voventur, primum oportet ostendere, quod olim prima ætas Dei servitium et cultum libens frequentavit. Ibi enim Abel sacrificium acceptabile obtulit, Seth nomen Dei cum sua progenie invocavit, Noe quoque in sua generatione justus inventus, et ad obedientiam Deo promptus, ipso jubente, arcam fabricavit. Unde quia ad eremitiæ principium facere disponimus, intueamur si forte in primis hominibus aliquam horum servorum Dei similitudinem invenire potuerimus. Nam illos priores homines aliquando solos habitasse eo judicio perdoceamus, quod Cain, occiso fratre suo Abel, primus legitur civitatem ædificasse, et ex nomine filii sui Enos eamdem appellasse. Testatur etiam Josephus hoc ideo eum fecisse, quod latrocinia exerceret, et ad eadem secum exercenda familiares suos domesticosque

PATROL. CCXIII.

A intra muros convenire cogeret. Unde constat pri-
mam illam ætatem, licet parvo tempore, multum
innocenter vixisse, quibus nec ædificandarum domo-
rum adhuc cura erat, nec cibi potusque quanta
nunc est diligentia, nec vestium vanitas, nec auri
argentique tanta acquirendi solertia. Graminibus
enim et aqua simplici et arborum fructibus, ut
Deus dixerat, utebantur. Unde quidam facundissi-
mus noster philosophus laudem primorum homi-
num carmine mirifico decantans ait:

*Felix nimium prior ætas.
Contenta fidelibus arvis,
Nec inerti perdita luxu,
Facili quæ sera solebat
Jejunia solvere glande,
Nec Bacchica munera norat
Liquido confundere melle,
Nec lucida vellera Serum
Tyrio miscere veneno.
Somnos dabat herba salubres.
Potum quoque lubricus amnis
Umbras altissima pinus.
Nondum maris alta secabat,
Nec mercibus undique lectis,
Nova littora viderat hospes.*

Ad ultimum vero carminis hujus idem subinfert:

*Heu! primus quis fuit ille,
Auri qui pondera teeti,
Gemmasque latere volentes
Pretiosa pericula fodit?*

(BOET. *De consol. Philos.* l. II, metr V.)

2. Si igitur conceditur mihi priores homines solos sæpius habitasse, quia nec in Genesi ante Cain quisquam vel civitatem vel domum legitur construisse, et Josephus similiter ob rapinam fratricidæ illius hac adinventa testatur, et philosophi illius carmen illos in umbra arborum morasse decantat, sine luxu, sine cupiditate illa et jactantia, quæ modo in nobis est, [viventes, et gramina ad usum vitæ, ut animantibus ita et hominibus a Deo sunt tradita, constat eosdem priores homines aliquam eremitarum similitudinem habuisse, quasi aliquem forte certum locum tenebant, vel ut homines aliquando se invisebant, tamen de ædificiis vel vestibus, cibo vel potu, vel pecunia non magnopere curabant. Locum vero certum eos nequaquam tenuisse eo modo conjicio, quia non ante Cain domus vel civitas ædificata fuit. Et Joseph eumdem metas terris et limites primum imposuisse asserit. Domorum ergo ædificandarum cura eremitis summa non convenit, ne dicatur de eis, quia eremum non incolunt, sed in eremo domos civitatum invehere gestiunt, vestis vilis, cibus grossior, permodicus talibus congruit. Exercitatio corporalis, jejunia et vigilia illos glorio-
sos reddunt. Eremitiæ ergo nomen incassum non teneant, sed opere exornent. Habemus ergo in priori ætate eremitarum similitudinem expressam, ubi invenimus Abel justum in arborum umbra morantem, et pascuis ovium intentum, sine dubio solitudinem quæsisse, ubi et sine tumultu vixerit, et oves suæ innocentiae indices nutriret, ac dcinde de eisdem ovibus fructus capiens Domino offerret. Justum enim

erat, ut quia adhuc hominum paucitas erat, ille quem justum Dominus vocare dignatus est, solus Dominus militaret, et quodam modo vitam solitariam, oves, animal procul dubio quietis amicum, psallendo institueret. Unde autem justus a Domino appellatur? quia oves pavit? non; sed quia cum oves pasceret, studuit ut Deo placaret. Nam et illi pastores Israel secundum Ezechiel prophetiam oves pascere videbantur, de quorum manibus oves suas Dominus se requisitorum esse ait, quia eas non pascerent, sed se ipsos Dominus terribiliter interminatus. Non igitur inde placuit Deo.

3. Congruum profecto et aptum dico esse solitariae vitae pascendarum ovium opus, ubi et quies potest esse summa, et utilitas fructuum est maxima. Nam si bene inspicias, quid in ove ab utilitate vacuum? Si vellus attendas, ipsum vestit; si pellem consideres, ipsa multis modis prodest; si carnis inspicias, ipsa pascit; si lac cogites, parvulos alit, maiores nihilominus delectat, sed et illud quod deterius esse putatur, vide quam utilissimum agriculturæ sit, ita ut arens terra stercoris ejus fomento pinguecat. Talia ergo pecora curans theoriam amplectebatur. Videns enim quotidie gregem suum multiplicari, amplificationem ovilis ad cordis latitudinem trahebat, et sicut illi greges numero ampliabantur, sic in eo virtutum numerositas augmentabatur. Quas putas laudes in corde suo Domino reddebat, cum nullus ei tumultus adasset, et profectus virtutum simul et gregum nunquam illi deesset. Credo nec ipsum balatum pecorum contemnebat, sed secundum hunc mortalitatis hujus serumnam deslebat, profecto socius illius qui ait: *Inselix ego homo, quis me liberabit de corpore mortis hujus?* (Rom. vii.) Intueor etiam quodam modo solitariam vitam eum dilexisse, qui et artem diversam ab arte fratris pessimi quæsivit, et qui conjugii copulam non curavit. Nam, ut credo, nullus usque ad Noe in catalogo generationis humanæ nominatur, præter hunc sine uxore vixisse, ut profecto innotesceret, quia solitarium hominem oportet sine uxore, quæ Domini sunt, quomodo Domino placeat cogitare.

4. Age ergo, quisquis solitariam vitam amas, et ab illo qui primus justus appellatus est exemplum et boni incrementum operis accipe. Inspice etiam si alicubi noster hic Jesus huic vita simile quid egerit. Scriptum est de eo in Evangelio Joannis: *Jesus vero cum cognovisset quia venturi erant, ut raperent eum, et facerent sibi regem, fugit in montem ipse solus* (Joan. vi). Ecce Jesus meus solus in monte secedit, ne eremita dubitaret montana vel eremum solus habitare. Si ergo Dominus Jesus, sicut et ante nos saep dictum est, legendo in libro Isaiae intra synagogam lector; et eliminando de templo nummularios, ostiarius; et ejiciendo dampones, exorcista; et illuminando cæcos, ceroferarius; et ministrando subdiaconus, et prædicando Evangelium regni levita, et se ipsum offerendo sa-

A cordos; non erit absurdum si secedendo in montem vel in desertum, quod eremitarum est proprium, vitam eorum in se ipse consecravit. Sic debent, et illis pro bonis operibus mundus arridet facere, si sese metiendo cognoverint, sine jactantiae peccato inter homines non posse bona opera facere. Habes et in Marco scriptum, quia cum mundasset leprosum, et dixisset ei: *Vide, nemini dixeris* (Marc. i), ille egressus coepit prædicare et diffamare sermonem; ita ut non posset manifeste in civitatem introire, sed foris inde certis locis esse. Num ergo timebat Jesus boni operis jactantiam? Non, sed ostendebat nobis humanam debere vitare laudem. Video etiam Dominum Jesum pene omnium professionum ecclesiasticarum in seipso demonstrasse, quod etiam pro posse suis locis ostendemus, cum de aliis professionibus sermonem texuerimus. Habes ergo in prima ætate Abel pastorem ovium per solitudinem Deo placentem, et ob hoc ejus suscepta munera, habes et in secunda ætate patriarchas pascuis ovium intentos, et cum suis gregibus, id est cum sua simplicitate, hac atque illac terrenos homines suffigentes. Habes et Moysen solum et gregem pascensem in desertis Sina Domini vidisse gloriam. Inspice etiam post datam legem Eliam, et multos alias per solitudinem Deo placuisse. Accipe etiam gratauerit Dominum meum Jesum in montem vel in desertum fugisse, et habebis ante te quos imitari possis. Tempore vero revelatae gratiae nosti quam frequentata sit solitudinem habitat. Quod si forte ignoras, lege Antonii et Pauli historias ut possis agnoscere.

5. Sed dicet aliquis: Quid audes dicere, quod ante te nullus ausus est asserere? Quis unquam Abel et patriarchas, Moysem et rursum Dominum eremitis assimilavit? Ad quod respondeo, me non alicui melius sapienti et intelligenti præjudicare, sed meliora dicentem paratum audire. Sed quia optima dicere quod ingenii mei tenuitatem fortasse nescio, ideo semper tacebo? Qui aurum non habeo, quod possum facio, in domo Dei vel pilos caprarum offero. Protegunt enim et ipsi ornaturam divini tabernaculi, et utiles sunt in domo Domini. Fiderenter enim dico, salva fide et pace Christiana, non multum abhorre a vero, si illum eremitis assimilem, qui forte eremita nomen non habuit, ideo quia forsitan adhuc inventum non erat, et eremiticam vitam optime tenuit, non multum contendo de nomine, ubi operis video effectum, nam sine hoc nomine potest ejusdem vita fructus acquiri: sine vita vero solum nomen inane est. Participem ergo te constitue non tantum nominis, sed etiam vita eremiticæ, et perfectum sectatorem quisquis eam aggressus es, et humilis factus, cum evangelico agricultor cophino stercoris terram cordis tui, ne sit tanquam scilicet instructuosa, humectare et pinguecere per penitentiam facito. Postea vero tanquam parvulus in Christo lac humanitatis ejus ut nutritaris accipe, et sic justitiam quæ ex fide est,

tanquam ovium vellus induit, pellem quoque ejus, id est mortalitatem, quam pro te Jesus assumpsit, ad omnia utilia tibi detrahe, ut ad extremum carnem ejus et sanguinem, quae vere sunt cibus et potus, digne sumens, tuum quod mortale est absorbeatur a vita, ut cum Christus apparuerit, vita nostra, appareas cum ipso in gloria.

6. Hæc autem omnia observans, vide ne alterius ordinis hominem de suo proposito vel professione reprehendas, etiamsi vita levioris sit, ne dilatans phylacteria tua et magnificans cum Pharisæis fimbrias, Deus ad te veniens, partem tuam cum hypocritis ponat. Ama ergo in alio quod ipse non habes, ut amet alius in te quod ipse non habet, ut utriusque sit bonum quod uterque fecerit, et conjugantur amore, qui disjunguntur opere, et fiat unusquisque cum Apostolo omnibus omnia, ut perveniat nisi boscum ad eum qui est omnis in omnibus. Cæterum non moveat quemquam si in hoc ordine quædam diversitas appareat, et aliter atque aliter unusquisque vitam suam instituat, veluti est illud, ut quidam illorum soli habitent, quidam vero adjunctis sibi duobus aut tribus aut pluribus; et illud quod alter altero levius aut durius vivit, cum et hanc diversitatem in antiquis eremitis inveniamus, et unusquisque arbitrii sui potestate utatur, ut quantumlibet et quantum vires suas pensat aggrediatur, nec a Domino inde damnetur.

7. Si autem aliquando contigerit, ut unusquisque hanc institutionem aggressus, non multum sibi utili esse perspexerit; si aliam rursus assumat, non inde debet judicari, licet hoc levitate nimia aliquando contingat, nisi forte priorem illam institutionem se observaturum voverit, cum et arboris plantam in uno loco infructuosam et inutilem manere videamus, qua mota de loco crescit et frondescit, et fructus in altum attollit. Si autem adhuc tibi displicet quod omnes hujus professionis homines non uno modo vivant, inspicie facturam mundi a bono conditore diverse dispositam, et de diversis concordem effecisse harmoniam, ut cœlum superius, terra inferius, aqua gravior, aer levior, homo bellua sapientior, unum supra, alterum infra positum sit; et non miraberis si etiam in servis Dei alteri præferatur, et secundum Evangelium: *In domo Patris mansiones multæ sunt (Joan. xiv).* Secundum B. Augustinum mansionem illic pro suo quisque accepturus est merito. Placet ergo Deo ista in servis suis vita diversitas, nec debet dicere lutum figulo: Quare sic me vel illum fecisti? quia habet filius potestatem facere ex eadem massa aliud vas in honorem, aliud in contumeliam, et in domo magna sunt vasa non solum aurea et argentea, sed et lignea et fictilia, et utraque ad opus domus utilia. Esto ergo vas utile et electum in domo Dei tui, ne propter incredulitatem et fratris detractionem frangaris, et tanquam testa de vase fictili habeas unde tangentem mordeas, et non habeas un-

A de in te missa conserves. Lauda ex opere artificem, ex creatura Creatorem, ut si forte ipsa assequi non vales quæ alius habet, amando tamen in alio cum eo præmia vita coelestis assequaris.

II. De monachis qui juxta homines habitant, sicut Cluniacenses et eorum similes.

8. Nunc ad illos sermo dirigatur, qui monachi nomen proprie obtinent, quorum alii a turbis omnino segregati vitam Deo placabilem jejuniis et orationibus et corporali exercitatione ducunt; alii juxta homines in civitatibus et castellis et villis positi, de eleemosynis fidelium et redditibus ecclesiæ decimisque sustentantur, soli theoræ operam dantes, et primum quærentes regnum Dei, sperantes quod necessaria bujus vita, licet ea non quærant, adjicientur eis.

9. De ipso autem nomine monachi pauca dicamus. Nomen istud unum vel solum sonat. Quid ergo, dicet aliquis, a nomine et actu sibi tanta diversitas? Si ergo monachus unus vel solus intelligitur, quare omnes aut pene omnes monachi congregatim habitant? Ad quod respondeo, quia ille unus et solus recte dicitur, quia unum et solum cum fratribus viveandi habet affectum, et a voluptate sæcularium omnino segregatum. Sed forte hoc concedatur de his qui longe se constituerunt a turbis. Si autem movet aliquem, quomodo hi qui in civitatibus degunt, hoc nomen obtinere possint, cum pater Hieronymus dicat: Monachum solitudo facit, non publicum; respondeo nullum monachum, nec affectu nec societate sæcularibus debere conjungi. Licet enim inter homines aliquando contingat eos sædificia construere, tamen non perdunt prærogativam nominis, si frater cum fratribus, quorum bona et jucunda in unum habitantium societas est, sæcularia postponat, et blandientes syrenas iu hujus vita pelago constitutus surda aure pertransiens horrescat. Tunc enim monachus vere unus et solus est, si cum fratribus unum sentiat, unum et solum Deum colat, et secundum Salomonem, frater adiutus a fratre unam civitatem fortem, dilectionem Dei scilicet et proximi, in corde suo constitutus. Hæc de monachi nomine dicta sunt.

D 10. Cæterum inspiciamus si alicubi in antiquis invenire possimus harum institutionum exempla, et ostendere non recenter, nec solum post mortem et resurrectionem Christi, sed etiam antiquitus istam diversitatem observantiam, quæ nostris temporibus in monachis viget esse percelebratam. Dicamus ergo de his qui in civitatibus et castellis habitant, si quis horum simile in antiquis inveniamus. Scriptum in libro Malachim, quod dixit Samuel ad Saul postquam eum inunxit in regem: Post hac venies in collum Domini, ubi est statio Philistinorum, et cum ingressus fueris ibi urbem, obvium habebis gregem prophetarum descendientium de excelso, et ante eos psalterium, et tympanum, et

tibiam, et citharam, ipsosque prophetantes, et insiliet in te Spiritus Domini, et prophetabis cum eis, et mutaberis in virum alterum (I Reg. x). Ecce quomodo arridet vetusta historia modernis monachorum conversationibus. Ille enim in regnum sublimatus, ad regendum populum Dei, scilicet ut virtus extirparet et populum virtutum nutriret et tueretur, pro signo ei dicitur, ut in collem Dei veniat : qui collis, sicut Hieronymus testatur, habitatio prophetarum erat ; quia decet christum Domini tales imitari, qui licet corpore sint in terra, tamen super terram conversatione se esse in cœlis demonstrarent ; quod habitatione collis hoc loco non inconvenienter ostenditur. Quod vero statio Philistinorum ibi esse ostenditur, ubi est habitatio prophetarum, nostro intellectui favet, quia decet et a turbis segregatos, juxta malignos, et qui sunt cadentes vel ruina populi, quod interpretantur Philistium, habitationem habere, ut *aliis odor vitæ ad vitam* iuxta Apostolum (II Cor. ii) existentes, cadant et ruant ipsi maligni a malitia sua, interficienes et ruere facientes in semetipsos populum peccatorum, ut humiliati sanentur ; *aliis odor mortis in mortem* manentes, persecutionem a filiis mortis sustineant, ut ad purum per tribulationis ignem decocti, dicant cum Psalmista : *Transivimus per ignem et aquam, et eduxisti nos in refrigerium (Psal. Lxv).*

11. Sequitur etiam in lectione illa, et *cum ingressus fueris ibi urbem, obvium habebis gregem prophetarum descendantium de celo.* Intuere quoniam ipsi prophetæ et in celo manebant, et aliquando de celo descendebant, et per civitatem transibant. Et vide si in isto etiam tempore hoc agitur, quando monachi qui in civitatibus habitant, advenientes quoque suscipiunt, ut donum Dei quod ipsi habent, pro viribus aliis impendant. Unde et descendere de celo dicuntur, quia infirmis compatiuntur, ut infirmi facti infirmi infirmos lucentur. Gregatim etiam veniunt, ut ubi plures inveneris vitæ unius comites, quos etiam infirmos homines esse sicut te ipsum nosti, non dubites cum eis uno spiritu participare. Dicitur etiam ibi : *Quia ante eos psalterium et tympanum et tibia et cithara, et ipsi prophetantes (I Reg. x).* Oportet enim tales homines semper habere verbum Dei, quod quasi psalterium de superioribus resonat, et quod de cœlo a regalibus sedibus venit, et super omnes est, habere et tympanum, quod ex mortuis animalibus sit, pelle detracta et siccata, ut immortalitatem quam assequi cupiunt bonis operibus consolidati et indurati resonent. Convenit etiam in his tibia quæ ab uno surgit et in duo extenditur, scilicet ut Deum diligent et proximum. Habent ante se et citharam quæ ab inferioribus resonat, quia his omnibus mortificationem Christi in corpore suo circumferre congruit, aliter enim Spiritum sanctum assequi non valent, nisi ista observaverint, nec aliquem de his qui regnum mortis in se destruere cu-

A piunt, et regnum vita et justitiae in se constituere, imitatorem sui efficient.

12. Dicitur etiam in illa Scriptura : *Et insiliet in te Spiritus Domini, et prophetabis cum eis, et mutaberis in virum alium (I Reg. x).* Videns enim quilibet regni cœlestis particeps et vocatione divina dignus, servos Dei ita viventes, accipit divinum amorem, et cum eis se in conversatione jungens, narrat futuram electorum gloriam, mutaturque in virum alium, ut qui ante fuit blasphemus et injurious, nunc sit divinæ misericordiae prædicator assiduus.

13. Sed, dicet aliquis, quare id quod etiam clericis et multis aliis vel omnibus fidelibus congruere potest, monachis tantum qui in civitatibus degunt assignas ? Respondeo quidem omnibus Christianis virtutes animi et regnum virtutum contra vitia et servorem Spiritus sancti, et susceptionem tanti doni congruere ; sed in his quæ supradixi video quamdam monachorum talium propriam assignationem, nam ibi video collem Domini juxta stationem Philistinorum, invenio et urbem et in ipsa servos Dei congregatos, et Deum laudantes : unde salva side conjicio, eos servos Dei qui in civitatibus degunt et monachi sunt, nec sæcularium rerum, sicut clerici et sacerdotes, sed sui tantum curam habent, præfigurari. Unde talibus etiam monachis cautum esse debere confirmo, quod in pluribus locis video, ut officinæ talium ad habitationem hominum juxta se positionum non respiciant, sed extra sæcularium habitationem intuitus suos desigant, ut ducti cum Jesu in desertum a spiritu ut tententur a diabolo, si forte diabolus habitationem illam sæcularium ostenderit eis dicens : hæc omnia vobis ad voluntatem dabo, si procidentes a statu professionis vestræ adoraveritis me; positi cum Moysi in Deum Pharaonis, id est illius dissipatoris, respondeant sibi, non tentatori : O anima, Dominum Deum tuum adorabis, non Satanam. Intuere adhuc Dominum Jesum, si forte simile aliiquid fecerit. Narrat evangelista Joannes : *Jesus autem, inquit, jam non palam ambulabat apud Iudeos, sed abiit in regionem juxta desertum in civitatem Ephrem, et ibi morabatur cum discipulis suis (Joan. xi).* Ecce habes Jesum proximum morti apud Iudeos occisores suos jam non palam ambulantem, sed regionem deserto proximam quærentem, et in ea cum discipulis manentem, et hoc in civitate quæ dicitur Ephrem. Ephrem interpretatur *fertilis vel cunctus ab augendo.* Vides quid in temptationibus suis in quibus et discipuli ejus cum ipso manserunt, sicut ipse perhibet, quæsierit Jesus. Quæsivit enim, et esurivit et sitiavit salutem et augmentum servorum suorum, et hoc juxta desertum, secundum propheticam vocem : *Scissæ sunt in deserto aquæ et torrentes in solitudine, ut latetur deserta et invia, et germinans germinet et fructificet, unum xxx, et unum lx et unum c (Isa. xxxv).* Tu vero qui monachus effectus es, et sub abbatis imperio quasi cum Jesu moraris, fuge,

C D *scissæ sunt in deserto aquæ et torrentes in solitudine, ut latetur deserta et invia, et germinans germinet et fructificet, unum xxx, et unum lx et unum c (Isa. xxxv).* Tu vero qui monachus effectus es, et sub abbatis imperio quasi cum Jesu moraris, fuge,

ne ambules per vias terræ tenebrosas ; sed aver-
tendo faciem tuam a viis sæculi, et ab habitatione
hominum, quorum Deus novit cogitationes quoniam
vanæ sunt. Esto in Ephrem, quærens augeri et au-
pliari virtutum multiplicitate, et fratrum numero-
sitate, ut bono exemplo tuo et conversatione plu-
rimi sæcularium convertantur, et augeatur numerus
fratrum tuorum. Taliter enim diabolus superabit,
et si quis ordini tuo et proposito causa rigidioris
ordinis detraxerit, cum Jesu in Ephrem habitans
contemnes.

14. Jam vero si requiratur a me , quia sæpe a
multis quæritur, cur ipsi de redditibus et decimis
vivant; quia his sacerdotes et levitæ sūstentari per
Moysen a Domino jubentur, simpliciter, salva pace
eorum qui forte hoc quod dicturus sum contradic-
turi sunt, respondeo, quia qui altario serviunt,
cum altari participare debent , et qui sacerdotum
et levitarum opera in se ipsis, quantum eis a prä-
decessoribus concessum est, refundunt, sacerdotis
et levitæ mercede non debent omnino privari. Vi-
deo enim ecclesias illorum, velint nolint, a fideli-
bus frequentari, assidue eos missas cantare , fre-
quenter Evangelium prædicare, ad sermonem fa-
ciendum in ecclesia cogi, peccata populi de carbone
divini altaris tangere, et annuntiare populo sce-
lera sua. Lego etiam ut qui Evangelium annuntiant,
de Evangelio vivant, et *dignus est operarius mercede sua* (*Luc. x.*), et timeo eos inde judicare, si acci-
piant quod ipsi merentur. Mibi autem magis timeo,
si inde eos judicavero, ne ipse judicer. Potest enim
in istis accipiendis esse simplex et mundus eorum
affectus, qui non requirat superflua , sed exspectet
necessaria. Si autem dicitur non esse illorum illa
accipere, dicatur etiam illa sanctiora eos non de-
bere facere. Valde etiam indecorum est, ut tot mo-
nachorum agmina , quæ nos in Dei servitio prä-
cesserunt, et nobiscum adhuc in vita manent, pro
una re, causa scilicet ad litteram tuendæ monasti-
cæ Regulæ, in qua, ut ipse ait qui eam condidit,
non omnis justitia tradita est, condemnare velimus,
præsentim cum ipsi quod secundum Regulam se
observaturos esse voverunt, cum interrogantur
super hoc, bene se observare respondeant et con-
fidant. Faveo bene intelligentibus , credo se obser-
vare Regulam respondentibus, laudo secundum
uniuerscujsque monasterii legem viventes, prædicto
et appello dominos et patres, admiror et veneror
ipsam regulam etiam ad litteram omnino servantis.
Nulli enim derogare volo, quem scio etiamsi diversa
ab alterius intellectu sentiat, quod diversa a fide
Christianæ non teneat.

15. Quod si inter se ipsi monachi de Regula con-
tendant, et dicat alter alteri, quia laborare in agro
debet, et talia indumenta qualia in Regula prescri-
pta sunt habere, et illis vel illis epulis secundum
Regulam uti ; intelligat qui hoc dicit et credit, si
quid a sapientibus aliter quam ipse intelligit visum
est , non frustra , sed sapienter actum esse, ut vel

A multorum infirmitas relevaretur, vel illorum qui se
exemplo talium monachorum salvare cupiebant ,
imbecillitas non terretur. Ita ego eorum instituta
facta esse intelligo, neutrum æstimans Regule suæ
prävaricatorem, et expeto utriuscujusque oratio-
nes, quos scio in unitate fidei esse concordes ; non
enim studeo aliquem de suo ordine reprehendere,
sed ostendere cupio, quia licet diverse vivant, ta-
men ab uno principio ad unum finem Christum
utriusque suspirant. Habent enim et ipsi Dei servi,
qui inter homines vivunt, Christum inter homines
ambulante; habent etiam eundem propter incre-
dulos ad tempus se diei festo subtrahentem, et
cum postea ascendit, non manifeste, sed quasi in
occulto hoc fecit, ut innotesceret servos Dei qui
B inter homines habitant, aliquando propter homines
salvos faciendo, de alto mentis suæ se oportere
descendere, aliquando ne malorum livor illis de-
trahat, ad festum ubi reliquæ cogitationis sunt, id
est peccatorum solutorum et remissorum recorda-
tio diem festum, ubi Deus solus videt cum Salva-
tore suo occulte ascendere. Pascant etiam nunc
Christum in servis suis publicani et peccatores,
detrahant illi Pharisæi, veræ scientiæ januam clau-
dentes, suscipiat Zacchæus, convivium faciat Levi,
ut sanus factus a medico coelesti Evangelium scri-
bat. Monachus qui inter homines sicut Jesus vivit,
non potest timere alium monachum, qui sicut Pha-
risæus peccatricem a se repellit. Habebit et ipse
qui Regulam suam ad litteram etiam bene servat
præmium, si Jesus pro discipulis suis per sata hu-
jus vitæ Sabbato spicas vellentibus , id est ab ho-
minibus victum quærentibus, non reprehenderit. In
Sabbato enim discipulij spicas vellunt, quia feriati
a mundanis operibus victum a mundanis hominibus
quasi spicas accipiunt.

16. Sane monachorum Regula, ut legens adverti,
sobrios intellectores requirit, moderatosque lecto-
res erpetit, nam multa sunt quæ sanctus ille ipsius
Regulæ conditor non posuit, quia ea indubitanter
facienda noverat, sicut est illud, quod lectorem et
mensæ ministros dicit antequam ad officium acce-
dant debere mistum accipere, nec ullum excipit
diem, unde quidam monachi dicunt secundum Re-
gulam lectorem etiam in quadragesima debere mi-
stum accipere priusquam legat, quia hoc Regula
dicit, nec ullum diem excipit, et ita cogunt ad come-
dendum bene valentem jejunare. Alii vero contra
non accipiendum mistum dicunt, quia commune
est et solemne jejunium. Bene isti dicunt ; sed au-
dio quosdam abstinentes monachos etiam die Domini-
nico secundum B. Benedicti vitam, quam in specu po-
situs duxit, argumentantes debere vel posse jejunare,
quia omni die jejunans, etiam diem Dominicum non
prätermittebat. Utrosque video, de utrisque quid
sentiam profero. Illi qui prandere bis etiam in Qua-
dragesima valentes dicit, respondeo pro pace uni-
versalis Ecclesiæ, quæ jejunium illud celebrat, om-
nem hominem qui potest debere jejunare, nec esse

contra Regulam illam quæ licet Quadragesimam vel solemnia jejunia non exceperit, pacem tamen ecclesiæ servare voluit. Non enim dignum est, ut propter mistum monachorum accipiāt occasionem jejunii frangendi mensæ potatores, nec dignum est ut dicant edaces, cum reprehensi pro soluto jejunio fuerint : Bene hoc potest fieri, quia et monachi hoc faciunt. Sic enim pro exiguo cibo monachorum forsitan turbabitur religiosa institutio Christianorum. Illi autem, qui affirmat quotidie etiam die Dominico secundum vitam beati Benedicti, quam in specu positus servavit, posse monachos jejunare, respondeo, non ex me, sed ex B. Gregorii sententia, qua dicit, quia longe ab hominibus positus eo die quo presbyter ad eum ex præcepto Domini venit, quod paschalis esset festivitas ignorabat. Quare sidenter dico, quia si ille sanctus qui ignorabat Dominicum diem, et in ipso die jejunabat, laudandus est ; ille etiam presbyter prædicandus est, qui ei dixit : Resurrectionis Dominicæ paschalis dies est, abstinere tibi minime convenit, quia et ad hoc missus sum, ut dona omnipotentis Dei pariter sumamus. Ecce intuere, si post hanc vocem sacerdotis illius sanctus ille jejunavit et se abstinuit, si vocem Domini sprevit; et si potes, Dominico die contendere posse jejunare.

47. Quod vero in Regula eorum scriptum est, et sine aliqua exceptione definitum, ut ab idibus Septembribus usque ab nonam jejunium extendant, credo Dominicum diem ideo eum prætermissee, quia sciebat illo die non esse jejunandum, nec inde aliquem dubitare, vel ob reverentiam Dominicæ resurrectionis, vel quia ita Christiana consuetudo convaluit, ut eo die jejuare non liceat, ne scandalum in Ecclesia generetur. Sunt præterea quidam præcipui dies, ut est Natalis Domini, Epiphania, et similes dies, necnon et illius sancti in cuius honore cenobium dedicatum est, ubi quidam timentes Regulam offendere, putant continuandum esse jejuniū. Volo autem monachos et canonicos sive clericos plus jejunare et abstinere quam plebeios Christianos, dignum est enim ; sed volo etiam supradictos viros communis gaudii Christianorum in cibo et potu, quantum uniuscujusque Regula patitur, aliquando, maxime in diebus solemnibus, esse consortes : nec esse credo contra monachorum Regulam quæ illos dies non exceptit, si regula ecclesiastici gaudii ab eis etiam qui sæculi gaudia fugiunt, observetur. Audio enim sæpe cum talia jejunia in diebus ita solemnibus custodiuntur, multos inde murmurare, nec inde exemplum abstinentiae sumere, sed notam austeritatis religiosis viris impingere. Nec hoc dico quasi reprehensor eorum qui perfectæ student abstinentiæ, sed volo esse consultum paci et latitiæ universalis Ecclesie.

48. Sane ne illud quidem omittam, quod in utroque ordine tam monachorum quam canonicorum sunt aliqui diverso vitio laborantes, quorum alii ita consuetudines suas tinentur, quasi in his justitia constituta sit, nolentes aliquid pro tempore et loco

A et persona in Ecclesia mutari ; alii vero ita fastidiosi sunt, ut nihil eis quod apud ecclesiam suam agatur placeat, sed semper nova sibi de alterius monasterii consuetudine quæ sociis imponant onera perquirant, utrisque pro pace ecclesiæ suæ respondendum est. De illis qui consuetudines suas ultra modum custodiunt, dicit Augustinus (Epist. 54, novæ edit. n. 5) in epistola *De diversis consuetudinibus Ecclesiæ*, Januario notario directa : *Aliquis peregrinus in eo forte loco, ubi perseverantes in observatione Quadragesimæ, nec quinta Sabbati levant relaxantre jejunium ; non, inquit, hodie jejunabo. Quæratur causa ; quia non fit, inquit, in patria mea. Quid aliud iste nisi consuetudinem suam consuetudini alterius præponere conatur ? Non enim mihi de libro Dei hoc recitaturus est, aut universæ quacunque dilatatur Ecclesiæ plena voce certabit, aut ostenderet illum contra fidem facere, se autem secundum fidem, moresque hinc optimos aut illum violare aut se custodire convincet. Violant sane quietem et pacem de superflua quæstione rixando. Mallem tamen in rebus hujusmodi ut ille in hujus, et hic in illius patria, ab eo quod cæleri faciunt non abhorret. Hæc Augustinus de his qui ultra modum consuetudines suas custodire volunt. De his autem qui cito mutant consuetudinem, dicit in eadem epistola : Faciat quisque quod in ea ecclesia ad quam venit invenit ; non enim quidquam eorum contra fidem est, aut mores fiunt hinc vel inde meliores. His enim causis, id est aut propter fidem aut propter mores, vel emendari oportet quod perperam fiebat, vel institui quod non fiebat. Ipsa quippe mutatio consuetudinis etiam quæ utilitate adjuvat, tamen novitate perturbat. Quapropter quæ utilis non est, perturbatione infructuosa, consequenter noxia est (Num. vi). Hæc etiam dicit de his qui novas et alienas consuetudines sequuntur. Cæterum lectoris prudentia videat, quia et in tenuidis ultra modum suis consuetudinibus et in sequendis alienis, potest schisma et perturbatio generari. Unde oportet unamquamque Ecclesiam ita vetera custodire, ut pro loco et tempore laxentur, et ita nova condere, ut ex novitate antiqua patrum auctoritas non violetur.*

49. Vellem autem inter monachos uniuscujusque D provinciæ, similiter et canonicos esse, ut invicem se sequerentur, ut qui in una provincia degunt, uno modo jejunarent, una consuetudine silentia tenerent. De his autem loquor qui in civitatibus et castellis habitant. Forsitan enim utrumque ita melius ac libentius teneretur ; quia si quis ea quæ ab omnibus tenerentur infringaret, se magis errasse fatetur, et forte citius corrigeretur. Sicut enim jejunium, quod a patribus observatum est, et ab omnibus ritu communè tenetur, melius ac libentius etiam inter laicos observatur, quam illud quod nō viter inventum est, nec ab omnibus tenetur ; faciliusque redarguitur qui infringit ; ita credo fieret inter monachos et canonicos, si omnes observantiam unam sequerentur, essetque laudabilis supra

Omne jejunium concordia, ubi omnes unam unius ordinis tenerent vivendi mensuram. Sed quia videamus etiam in uno loco alios solito more velle prandere, alios contra morem antiquum velle jejunare, oritur hinc sane rixa intolerabilis, quia alius ex auctoritate se credit facere quod facit, alius zelo justitiae se credit accendi. Unde aliquando inter tales superbia et invidia nascitur, ut qui jejunare volunt contra non jejunantes superbiant, et qui non jejunant jejunantibus invideant. Proinde accedit gravior morbus, ut qui propter jejunium superbiant, non contenti secum habitantes despiciere, etiam alienos a suo proposito et Ecclesia, quia similiter sicut ipsi volunt non jejunant, despiciere reformidant. Audivi enim quemdam, et nisi pudenter dicere, plures vano tumore turgidos, detrahentes ordinis alterius Ecclesiae, et dicentes: Qualis ordo est, ubi sic prandetur, tam parum jejunatur, tam parum siletur, tot sercula saepe sumuntur? Ad laudem Ecclesiae suae et ordinis hoc se putant dicere; sed vide quid inde incurvant. Primum ad cumulum superbiae, et ut ita dicam fastigium, inde ducuntur, et tam alta sit ipsa superbia, ut videri non possit, et dum non advertitur esse superbia, creditur humilitas. Deinde dum despicitur proximus, contemnitur Christus. Redeat ergo quisquis talis ad se, non efferrat se super se, ne despiciendo unum de his pusillis qui in Jesum credunt, de alto superbiae cadat, et dignus Christi voce judicetur, cui mola asinaria de collo ejus suspendatur, et in mare projiciatur. Discat ab apostolo et abundare et penuriam pati; invitet etiam fratrem suum, si Ecclesia ejus patitur, ad id quod idem, ut bonum est, non manducare carnem et non bibere vinum, hoc est perfecte abstinere a cibis corporalibus, quantum uniuscujusque capacitas sinit, sciens etiam nihil abjiciendum ab his qui hoc adhuc aggredi notunt, quod cum gratiarum actione percipitur. Noverit etiam non cibum, sed cibi appetitum in culpa esse. Nam et Esau vilius lenticula desiderio exardescens, qui saepe venationes fastidiebat, eo desiderio primogenita perdidit; et econtrario David desideria refrenans, non vipi, sed aquae pocula captans, ipsam Domino sacrificando, se ipsum justificavit. Male ergo facit qui de vilibus cibis ventrem ingurgitat. Bene facit qui etiam de vilibus modum tenet. Bene etiam facit qui bona que in macello veneunt cum mensura et gratiarum actione sumit; deterior omnibus est, qui etiam quaecunque sibi deferuntur aut fastidit, aut pretiose vel laute confici gestit. Ascendat igitur qui potest, et sequatur abstinentiores, condescendat abstiens, et charitatem minus valido præbeat, ut infirmum fratrem exspectans, cum eo in perventione cursus gaudeat, ut uterque in via Dei obicem non sentiens, bravium æternæ remunerationis accipient. Discant pusillanimes confortari. Discant fortes humiliari.

20. Ad postremum vero, ne illud omittam, quod ipsi monachi qui in urbibus et vicis morantur, sae-

A claria saepius tractare videntur, forensia judicia decernunt, servos habent et ancillas capitales, iudicant, regunt, timentur, filios servorum nutrunt servos futuros, terras hospitales habent, ad censum dant, redditus inde spirant et exigunt, causas singularum veluti judices sæculares audiunt, leges suis terris et hominibus imponunt, quæ omnia sæcularia et minus religiosa esse videntur. De talibus tamen dicam quod sentio, non hoc credo ab eis inventum propter cupiditatem, sed propter servorum et hospitum utilitatem, nam videmus multos ferocios dominos fugientes, sub dominio Ecclesiarum confugere, in quibus tuendis et defensandis non cupiditas ulla, sed misericordia est maxima; quodammodo enim cum fugitivos suscipiunt, urbes fugitivorum in possessione sanctorum, sicut ille antiquus populus, constituerunt. Si autem dicat aliquis non ideo debere monachos de sæcularibus se intromittere, illum admoneo qui hoc dicit, ut sobrius reprehensor sit, nec ante tempus quidquam judicet, quia lego et Jacob post amplexus desiderante Rachelis, ad Liæ fertilis concubitum rediisse; id est illos qui gustaverunt dulcedinem contemplativævitæ, ad agenda opera vitæ activæ, non propter se, sed propter alios rediisse. Aequaliter enim video esse misericordiam in defensandis pro posse ab iniquis pauperibus, et in nutrientis vel suscipiendis hominibus. Quod si quis reprehendit eos quæ pauperum sunt vel hospitum suorum suscipere, legat Dominum dixisse: *Reddite ergo quæ sunt Cæsaris Cæsari, et Deo quæ Dei sunt* (Matth. xii), nec miretur amplius si monachis reddant quæ Cæsaris sunt, quos fugitiivi ipsi Cæsares propter tutamen sui et uxorum et filiorum et possessionum constituerunt. Non enim semper propter se monachi hoc agunt, sed propter ipsos, qui licet sæculares sint, tamen a sanctis viris auxilium protectionis exposunt.

B 21. Sed dicat adhuc aliquis: Si ergo bonum est, ut eos sustentent, ut protegant, ut nutritant, quid est quod aliquando ipsos in carcerem mittunt, verberant, leges sumunt, sua auferunt? Ad hoc respondeo in his modum debere servari, ut in carcerem missi non deficiant, ut verberati a talibus non moriantur, ut leges dantes pauperes ultra modum non efficiantur, nec propter vindictam ista exerceant, sed propter correctionem cæterorum servorum et hospitum suorum, ut haec videntes cæteri timorem habeant, et mala facere formident. Melius est enim et in ordinibus et in sæcularibus, ut unus vapulet et salvetur cum multis, quam ut effrenata humanitas, quæ vix etiam cum ei mala et plaga pro criminibus inferuntur, se cohibere potest, accepta per misericordiam peccandi licentia, disperat. In talibus etiam exercendis ipsi monachi modum debent aptum tenere, ne ipsi in his agendis mensuram excedant, ut appareat eos ad haec von ex voluntate propria ferri, sed pauperum necessitatibus et utilitatibus consulere. Ad haec etiam agenda

non debet infirma ætas laxari, nec noviter conversi ad hæc cito remitti, quia sœpe alta cedrus a statu concutitur, quanto magis novella planta, si vento sœcularitatis coepit tangi, non citius eradicabitur? Fortassis ista dicens aliquos sanctioris propositi viros offendit, sed hoc paci Ecclesiæ pro posse consulens dico, credens et sperans quod omnia quæ in Ecclesiis Christi in una fide manentibus observantur, summo pontifici placeant, nec oblationem uniuscujusque, quamlibet parva sit, pius sacerdos respuat, quæ de corde contrito et spiritu humiliato offeratur. Hæc de monachis qui in civitatibus et castellis et similibus locis manent diximus, alterius intellectum qui melius senserit amplectentes et lectorum deprecantes, ut si aliquid pravum diximus, non malevolentiae deputet; sed si quid boni scriptum est, diligit; si vero aliquid mali, fidenter corrigat, et nobis, qui melius dicere nescimus, indulgeat.

III. De monachis qui longe se ab hominibus faciunt, ut Cistercienses, et si qui sunt similes.

22. Jam ad illos stylus recurrat, qui monachi nomen a turbis omnino segregati insigniunt, de quorum vita et instituto aliquid sinistrum suspicari non licet, nec inde loquentem, ne in laude ipsorum, quantacunque dixerit, peccet, timore oportet. Sunt enim in locis suis ita viventes, ut in carne manentes, quia carnalia deserunt et transcendunt, supra carnem esse jure dicantur. Miratur enim quisquis eos videt, humanæ infirmitatis tantam immutationem, nec jam esse de terra, sed esse in terra asseruntur. Intueamur tamen si alicubi in antiquis tale aliquid inveniamus. Scriptum est in libro Regum iii quod Abdias minister regis Achab, tempore persecutionis et famis centum prophetas in speluncis per quinquagenos divisos aluit pane et aqua. Aliunt etiam Hebræi et B. Hieronymus assentit, quod ipse Abdias, qui inter duodecim minores annumeratur, et propria datum ei esse Spiritum Domini, quod prophetas Spiritum Dei habentes paverit. Interpretatur vero Abdias *servus Domini*, quia vero habemus servum Domini prophetas pascentem, et habemus tempus famis et persecutionis, et centum prophetas pro perfectione, quia talis numerus in Scripturis divinis pro perfectione accipitur, et quinquagenos pro remissione, quia et in lege annus quinquagesimus remissionis appellabatur, eo quod in eo a servitute remittebantur, et possessiones recipiebant et in jubilatione relaxabantur.

23. Intueamur quantum saveat antiqua historia nostro tempori, in quo si non idem forte, tamen simile quid agitur. Nam et in nostro tempore tales Dei servos illi qui terrena negotia habent, in abditis et remotis terrarum suarum locis mittunt, ut precam suarum effusione illorum peccata redimant et ut ipsi Spiritum Dei, sicut et illi, accipient. Fit vero et hoc tempore persecutionis, quando regina impissima Jezabel, id est *superbia et luxus sæculi*, servos Dei vehementer infestos habet, et quos-

A cunque potest seducendo necat. Contingunt etiam hæc tempore famis, quando queritur qui justitiam teneat, qui veritatem servet, qui aliena non rapiat, qui verbum Dei puro corde prædicet et vix invenitur, ut impleatur etiam in vobis illud Isaïæ: *Immittam famem in terra*, etc. (*Ezech. v*). Et illud: *Pretiosior erit vir auro et homo simul obrizo* (*Isa. xiii*). Additur etiam quod centum paverit, ut perfecta charitas foras mittens servilem timorem, accipiat timorem castum permanentem in sœculum sœculi; et ita Abdias, qui interpretatur *servus Domini*, fiat, et sicut ille propheticō dono participavit, sic iste servorum nutritor et institutor, eorum vitam diligens et imitari cupiens, ad hoc quandoque perducatur, ut quod illi agat et ipse agat, et sic B ipsorum spiritu inflammatus inardescat. Videmus sœpe tales homines, qui cum essent sœculares, et rerum affluentia et voluptatum copia abundarent, nec ab hominibus in eis esse aliqua virtus animi reprehenderetur, nisi hoc solum quod servos Dei instituebat et nutriebant, ad hoc venisse, ut pauperes effecti, pauperem Christum sequerentur, et tollentes crucem suam arctam et ardoram vitam monachorum aggredierentur, et redderent homines humana tantum sapientes admiratos et stupidos in subitatione insperatae salutis; ita ut diceretur de eis: *Hæc est immutatio dexteræ Excelsi* (*Psal. lxxvi*). Novit enim Dominus qui sunt ejus. Nam et ipse Abdias persecutor esse S. Eliæ credebatur, eo quod minister regis persecutoris esset, et tamen quod amator esset etiam minorum servorum Dei, quam Elias, prorsus latebat. Divisi etiam sunt ipsi ab eo per quinquagenos in speluncis, quia charitatem Dei et proximi tales servi Dei in corde perfecte retinentes, quod significatur per speluncas, remissionem plenariam postmodum cum servis Dei ipsi Deo militantes assequuntur, quod per quinquaginta indicatur. Quomodo autem assequuntur? Nunquid non assequuntur plenam remissionem, qui liberati a sœculari tumultu, soli Deo militant, et si quid molle, si quid dissolutum in dominibus regum vel principum hujus sœculi in usu haberunt, Agnum paschalem Christum succinctis renibus, id est restrictis hujus corruptionis illecebris comedentes, ab ubertate domus Dei inebriantur? Sic enim dividuntur per quinquagenos, quia charitatem erga Deum habentes, prius ab eo remissionem accipiunt, et charitatis officia erga fratres tenentes, si quid aliqui tulerant, si quid mali fecerant, si quid dixerant, viso tanto professionis eorum decore, libentissime eis praeterita peccata, quæ in se fuerant commissa, relaxant.

24. Diximus de eo et ejus similibus, qui prophetas abscondit, quantum profecerit, quid assecutus sit, quid de eis dicturi sumus qui absconsi sunt? Intueamur ergo eorum vitam, qualis eo tempore fuerit, cum et charitate principis eis necessaria vir fortissimus subministrabat, et separatio a mundana conversatione tumultum omnem refrenabat. De abstinentia vero eorum si loqui voluero, superflus

Judicabor, cum ipsi pane et aqua, quod est com-
mune et forte jejunium, uterentur, ut abstinerent
viventes, in laudem Dei extenuarentur, nec cibis
corputentioribus gravati, pondere carnis impedire-
tur, sed graciles facti, corpore tenues, mente subti-
les, spiritu qui in libro Sapientiae subtilis et mobilis
dicitur leves facti, ipsi replerentur. Sed et ipsi pro-
phetæ, qui coram Elisæo prophetæ manebant, in
quorum olla puerinscius mortiferum quid immisit,
quam sobrie viverent, qui esuriem corporis herbis
agrestibus depellebant? Non hoc dico quasi credam
in his sumendis vel non sumendis justitiam esse
statutam, cum hæc agentem præmia non sequantur,
nisi ista pax et justitia et misericordia præcesserint;
sed quia post illa et hæc agentem multipliciora Dei
dona comitentur.

C 25. Inspice ergo homines illos nostri etiam tem-
poris monachos similiter viventes, quam concors
simul spiritus coadunaverit, ut unum spiritum
habentes, simul viverent, unum sentirent, in nullo
discrepare in alterutrum volentes similiter come-
dereat, uno cultu et modo induerentur, ut animi
concordia per exteriorem habitus consonantiam
panderetur. Neque enim credo eosdem antiquos
prophetas communis hominum habitu usos fuisse,
ubi prout cuiilibet, quisque vestem suam immutat;
sed fuisse in eis existimo quod in monachis diversi
ordinis inspicitur, qui multoties solummodo visi,
nec interrogati, ex habitus indicio recognoscuntur,
unde sint, vel cujus professionis, vel monasterii.
Inde est illud quod invenio, regem Israel signa viri
Dei Elias servos suos interrogasse, et quia vir pilo-
sus et zona pellicea accinctus renibus pronuntiatus
est, Elias Thesbytes esse a rege proclamatus est.
Unde credo et inter illos qui in urbibus morabantur,
et inter eos qui eremum incolebant sicut Elias,
qui pilosus erat, aliquam etiam in habitu babuisse
distantiam; ut in his qui juxta homines morabantur,
quædam morigera et moderatior vestis esset:
hi vero qui eremum incolebant, in testimonium
rigidioris instituti, hispidas et duras vestes habe-
rent. Neque enim credo Isaiam et Eliam uno habitu
prophetasse, cum ille esset nobilis et urbanus, et ut
legitur, regis Ezechiae sacer, hic vero populorum
catervas frequenter fugiens, rigidius vixerit; sed
D de habitu sive istorum sive aliorum, ut in præfatione
promisimus, alias Deo donante dicemus.

26. Sed qui de abstinentia prophetarum et mo-
nachorum vel de habitu loquimur, quid de chari-
tate, de misericordia, de eleemosyna et hospitali-
tate et cæteris virtutibus dicemus? Superfluum
credo inde multum loqui, nisi ut inde alii accen-
dantur, cum ad tales adventantes magis in servis
Dei ista experiri contigerit, quam nos aliquid ve-
rum loqui. Suscepimus est a prophetantibus benigne
Saul, etiam cum sanctum David persequeretur, et
facto ipso Spiritu Dei prophetavit, et invitus pro-
nuntiavit, quod Apostolus dicit, quia vere Deus in
vobis est. Suscipiuntur etiam a monachis similiter

A ut prophetæ viventibus, qui eis sua auferre mo-
liuntur; ita ut audierimus a quibusdam, quod illi
qui rapere venerant, vel rapaces extiterant, viso
humilitatis eorum proposito, vel mohaehi facti re-
manserint, vel accusantes se ipsos quod talia asse-
qui dona digni fuerint, pacifici ad propria recesserint.
Operantur etiam ipsi quæcumque sibi a præ-
latis injunguntur, cum tanta benevolentia, ut jure
de eis dici possit, quod nullum eos transeat vir-
tutis vestigium.

27. Intuere mecum etiam Dominum meum Je-
suum, si forte alicubi tale aliquid vel huic simile
fecerit. Dicit Evangelium, quia facta die egressus
ibat in desertum locum, et turbæ requirebant eum.
Dicit et alibi: *Factum est autem in diebus illis exi-
vit in montem orare, et erat pernoctans in oratione
Dei* (Luc. vi). Primo intuendum locum, et turbæ
requirebant eum, et venerunt usque ad ipsum, et
si forte monachorum a turbis segregatorum vitæ
hoc factum Domini Jesu possimus inflectere. Ante
enim ab evangelista describuntur morborum et fe-
brium in sociu Petri et aliorum curationes necnon
dæmonum dicentium *quia tu es Filius Dei* (Matth.
xvi) expulsiones, et hoc cum sol occidisset, et post
mane facto, iter ejus in desertum describitur, quot
ergo sunt febres quibus meus Jesus imperavit? qui
morbi quos curavit? qui dæmones quos ejecit, nisi
incentiva vitiiorum, quæ respectu suo et jussu
extinguit, curando medetur, ne non bene sanata
iterum putrefiant, et spiritus maligni in corde pec-
catoris per incuriam nidificantur? Hoc maxime
convenit monacho, ut purisetur ab his, cum Jesu
facto sibi die, id est illuminato corde, in deser-
tum exeat, turbam vitiorum penitus et illius mundi
qui in maligno positus est consortium simul et do-
minum relinquat, ut postea proficiens, et non jam
sui curam solum, sed etiam aliorum habere suffi-
cientis, a turbis pro iniquitate sua turbatis, et quid
faciemus inquirentibus, requiratur, et retentus di-
cat, *quia et aliis civitatibus oportet me evangelizare
regnum Dei* (Luc. iv), id est aliis turbis vel aliis
ovibus, quæ adhuc non sunt de monachorum ovili
et futuræ sunt, convenit dicere, ut se suosque se-
quaces imitentur. Sicut enim cum Antonio interio-
rem eremi partem penetrabit, ibi et angelorum
contra dæmones auxilia, et hominum se propter
Deum sequentium consortia habere merebitur.

28. Intuere adhuc si non illud etiam implebit,
quod superius de Evangelio a Jesu factum posui-
mus. *Factum est autem in diebus illis exi-
vit in montem orare, et erat pernoctans in oratione Dei* (Luc.
vi). Hic etiam inspiciendum est, quo ordine id fe-
cerit. Nam ante hoc factum, in Sabbato Jesus
hominem qui habebat manum aridam curavit, et ante
inutilem ad bene operandum laxavit, ut profecto
ostenderet, et a malis operibus feriandum tanquam
in Sabbato, et rursus ad bene operandum manus
omnes, id est operationes debere extendi. Unde et
illi homini qui sanatus est dicitur: *Extende manum*

tuam (Matth. xii), id est ad bona opera a quibus sabbatizabas te exerce. Cum vero bene operatus fueris, tunc cum Jesu in montem exendum est ad orationem, et ibi pernoctandum in oratione Dei in excelso mentis, quasi in monte positus excelsum Deum sequatur, et exiens a corporalibus, ad summa et cœlestia rapiatur, et ibi pernoctans, id est in tota vita sua manens, quæ bonis omnibus respectu supernæ lucis non dies, sed nox est, semper ut exuatur a corpore exspectet et oret. Sic enim cum patre suo Benedicto totum mundum ante se positum quasi parvam sphæram intuebitur, et in visione Conditoris cum ipso dilatabitur.

29. Sit autem in hujusmodi servis Christi, sicut esse confidimus, fundamentum veræ humilitatis firmum et solidum, ut quantum Christo qui est fundamentum totius Ecclesiæ propinquiores esse creduntur, tanto magis humilientur, ne forte super arenam collocati, facili impulsu inuidantium tentacionum ruant, sed Christo inherentes, et cum Christo lapides fortes cœlestis ædificii facti, alias invalidiores et infirmiores portare sufficient. Observabunt autem, ut credimus, quia servi Dei sunt, ne alterius ordinis ecclesiastici viros, licet minus validi sint, despiciant, nec alta de se sapient, sed humilibus consentient.

IV. De monachis qui sacerulares dicuntur, quorum professio nulla est.

30. De monachis autem qui dicuntur sacerulares quid dicam non invenio, quia nec professionem monachi sequuntur, nec eorum vita usquam describitur. Ex magistrorum enim negligentia, et ex rerum copia et aliquando etiam inopia magis hæc vita incrementum accepit. Contingit enim aliquando ut rerum affluentia dissolutione pariat, et dum nihil temporale deest, sollicitudo et animi fortitudo protinus abest. Evenit etiam sæpe, ut cum in abbatis manu necessaria desint, quæ monachis dentur, non audeat eos pro dissolutione aliqua vel delicto redarguere, et ita sit, ut cum terrena a monachis inordinate queruntur, ordinis districtio et æternorum præriorum cura relinquatur. Bene igitur facient utrique si se corrigan, si nomen monachi quod portant honorent.

V. De canonicis qui se ab hominibus constituunt, ut sunt Præmonstratenses et Sanctijudocenses.

31. His igitur de monachis paucis pro viribus præmissis, ad canonicos veniendum est. Quorum ordo, refrigerente multorum charitate, quondam tepuerat; sed nostra ætate gratia Dei aliquantulum jam ressuruit. Cujus autem auctoritatis sit eorum ordo et professio, Domino donante, pro posse ostendere tentabimus. Primum igitur intuendum est, quod iste ordo jam tripartitus babeatur, ita ut alii a turbis omnino conversatione et habitu et habitatione quantum possunt segregentur; alii juxta homines positi sint, alii inter homines habitent, unde et sacerulares appellantur. Videndum est etiam quid canonici nomen insinuet. Canon enim intellig-

A gitur *regula*, et canonicus dicitur regularis. Unde autem hic ordo initium sumpsit? an forte ab apostolis? Et hoc ex parte verum est, quia sic illi debent communiter vivere, et nihil proprium possidere. Sed est quod altius perscrutari posset. Ipsorum est enim populos docere, decimas accipere, oblata in domo Domini suscipere, delinquentes redarguere, correctos et poenitentes ecclesie reconciliare, et alia quæ in lege antiquitus observabantur, etiam nunc in Ecclesia nostri temporis observare. Legamus in libro Numerorum, si forte invenire poterimus in eo canonicorum præsentam speciem. Describuntur enim in illo libro officia levitarum, quos Deus assumpsisse se dicit medio filiorum Israel pro primogenitis eorum, ut in tabernaculo ejus ministrarent, de quibus erat et summus pontifex. Desribit etiam quid Gersonitæ agere debeant, quid Caathitæ, quid filii Merar, et quidam eorum in tabernaculo foederis intrare dicuntur coram summo pontifice, et involuta portare, et alii cortinas et operimentum et tentorium et omnia quæ pertinent ad altare, funiculos et vasa ministerii, et alii tabulas tabernaculi et vestes ejus, columnas et bases earum, columnas atrii cum basibus et paxillis et funibus, et omnia vasa et supellecilem. Si de omnibus his vel aliis que ibi scribuntur rationem reddere voluerimus, levitas ingeniali deficiet. Unde ad sanctos doctores lectorem remittimus. Unum tantum est ut intelligatur, quia sicut in veteri lege levitarum erat officium sanctificata custodiare, et ferre, et mundare; sic et in hoc tempore canonicorum esse credo similia agere, nec quemquam ad ministerium ecclesiæ debere admitti, nisi qui regulariter et honeste vixerit, quod nomine ipsius canonici indicatur. Sicut enim in veteri lege Levitis vivendi est regula præscripta, quis quid agere debeat, nec ad aliud vacare licebat, nisi ad quod erat ordinatus, nec aliis licebat eorum officia tractare: ita credo et in hoc tempore faciendum esse. Videamus ergo si forte in his tribus familiis Levitici ordinis tripartitum ordinem canonicorum invenire valeamus, seposita summi pontificis familia, quæ hujus temporis summum pontificem, et episcopos sine dubio præfigurabat, et potestatem et dignitatem eorum prætendebat.

32. Primum igitur de illis canonicis loquamur secundum lectionis numeri significationem, qui longius ab hominibus secedunt, et actu et vita et conversatione quantum possunt ab eis longe separantur, ut liberius Deo ministrent. Inspiciamus igitur officia Caathitarum, qui a summo pontifice et filiis ejus arcum testamenti et altare aureum et candelabrum et mensam et digniora vasa involuta portare jubentur, et sanctuario interiori post familiam summi pontificis propinquius, quam Gersonitæ et Meraritæ desercent: ita ut intrent in interiori sanctuario, et involuta a summo pontifice vel filiis ejus portanda suscipiant. Iste ergo filii

Caath, quanto propinquiores erant interiori sanctuario, tanto longe siebant a populo. Unde non immrito his comparantur canonici illi, qui sicut levitæ illi officia ecclesiastica suscipiunt, et longe ab hominibus secedentes, propinquius sanctuarii interioris vasa, id est contemplativæ vite gaudia secum vehunt, quibus etiam Caathitarum nomen convenit. Caath enim interpretatur *pænitens* sive *dolens*. Tales enim prius compunguntur timore, postea amore, et de factis suis malis primum penitentes et veraciter fletentes, postmodum a triginta annis et supra, id est a perfectione virtutis et credulitate sanctæ Trinitatis in Ecclesia sacros ordines suscipiunt, ut bene meritos quinquagesimus annus suscipiat, et liberati a voluptatibus carnis, vasa Dominica non onerati humeris deferant, sed justificati et probati custodianter.

33. Est etiam in his secundum lectionis Numeri tenorem ordo disperitus, ut a summo pontifice dividatur unicuique onus quod portare quis debeat. Unde conjicere possumus, quod quidam eorum sanctiora pro sanctitate vitae portanda suscipiebant, et alii qui minus validi in virtutibus habebantur, minoribus officiis deputabantur. Eadem enim familia quæ altare aureum, et candelabrum et mensam, et ipsam etiam arcam portabat, in sequentibus hyacinthinas pelles, et vectes, et lucernas, et forcipes, et emunctoria, portare perhibetur, neenon fuscinulas, et tridentes, uncinos et batilla. Intuere ergo quod similis forma in ordinibus canonicorum, qui longe ab hominibus secedunt, jam custodiatur, quando et ipsi de populo Dei tanquam Levitæ assumpti, non æqualiter sacros ordines suscipiunt. Sed aliqui eorum ad ministerium sacerdotale attolluntur, aliqui ad diaconatus officium promoventur, nonnulli ad subdiaconatus gradum asciscuntur, aliqui etiam in acolythorum, exorcistarum, ostiariorum, lectorum ordine deputantur, vel ad extremum alii minus ad hæc agenda idonei, in Ecclesia tantum ad clericatum suscipiuntur, unde etiam inter suos conversi appellantur. Qui vero in suo ordine profecerit, seniorum judicio, qui ante in minori ordine locatus fuerat, ab episcopo tanquam ab Eleazaro majorem ordinem suscepit.

34. Præter hæc etiam officia, quæ ab universali Ecclesia exposuntur, sicut in ordinibus dicitur, quod non illa aut illa Ecclesia exposcat, sed postulat sancta mater Ecclesia; sunt alia officia quæ pro vita merito unicuique distribuuntur, ut inde serviant non universæ Ecclesiæ, sed fratribus suis, et hospitibus, et peregrinis, veluti est quod unus eligitur in abbatem, alter subrogatur in priorem, alter in eleemosynarium, vel coquinarium, vel cellararium, et ut ad viiiora descendam, alter alendis reoribus deputatur, ut impleatur in eis etiam illud quod scribitur de Caathitis: *Filiis autem Caath non dedit plastra et bores, quia in sanctuario servant, et cora propriis portant humeris* (Num. vii); sic et canonici qui longe ab hominibus secedunt, propriis

A humeris onera portant, cum et spiritualia quibusque servis Dei ministrant, et in carnalibus sibi ipsos ministrantes, victimum sibi de manibus acquirunt, onera propriis portant humeris, cum et Deo militant in ejus sanctuario, id est in sancta Ecclesia servientes, et quasi in utroque fortes et jugum Christi portant, nec a fidelibus decimas vel redditus, quod sacerdotum vel canonicorum, clericorumq; est extorquent, licet aliquando datæ suscipiant, illos prosectorum imitantes, qui accepta potestate vivendi de Evangelio quod prædicabant, laborabant tamen manibus suis, ne quem gravarent.

35. Intuere etiam Dominum Jesum si aliquid egerit simile, et si forte quidquam quod canonicorum talium factis assimiletur. aliquo actu perpetraverit. Et quia tales canonicos filiis Caath comparavimus, qui tamen in ordine minorum sacerdotum erant, præter summi pontificis familiam, non indignum videatur si utrisque Jesus noster comparetur, qui minoratus est etiam paulo minus ab angelis, et didicit ex eis quæ passus est, obedientiam, ut esset sicut Caathitæ, non in se, sed in membris suis ab Eleazaro filio summi sacerdotis, qui interpretatur *Deus adjutor meus*. Pergens igitur ad passionem, susceptus est a Judæis, et eductus, et bajulans sibi crucem, exivit in eum qui dicitur Calvariae locum, Hebraice Golgotha, ubi eum crucifixerunt. Primum vide ordinem, quem etiam hic observavit Jesus. Nam et familia Caath, ut supradictum est, in majores et minores sacerdotes divisa erat, et pontifex summus ex eadem erat familia. Sic et Jesus fecit, obediens existens Patri usque ad mortem, mortem autem crucis (*Phil. ii*). Prius portavit crumen, sibi quasi filii Caath altare aureum, ut ipse dignus existens summo sacerdotio, postea aram illam crucis, quæ omni auro et omni mundo pretiosior est, ascenderet, ut dolens pro nobis, et vulneratus propter scelera nostra, taliter gradu summi sacerdotii juste potiretur, et acciperet nomen quod es super omne nomen (*ibid.*).

36. Tu ergo qui canonicus es, et ob vitæ et professionis tuæ decorum longe te ab hominibus sciens, et propter hoc forsitan in sanctuario propinquis ministrans, vis gradatim vel virtutes Jesu vel ecclesiastica sacramenta suscipere, ut ordo familiæ canonicalis exposcit, imitare et intuere Jesum meum non subito summa petentem, sed gradatim ad summam tendentem. Porta tibi cum illo crucem et ipsius sequere, et carnem tuam, si Christi es, cum vitiis et concupiscentiis crucifige, et exiens cum illo extra castra, totum te in Calvariae loco cruci afflige, et quasi calvus totum caput, id est principale illud mentis tuæ a terrenis habens denudatum impropterum ejus portare gaudeto. Taliter etiam convenientia tibi nomen Caath, qui alia interpretatione dicitur *molares dentes*, vel *patientia*. Ruminans enim dentibus interioris hominis tui verbunc Dei, et confringens subtiliter, ut possis illud glutire, et memorie commendare, patientiam habens erga detractores et

persecutores, et vindicis unguis benignus in Deum, benignus in proximum, et ruminans Dei Verbum, non sicut qui deglutiit illud, ita mundum animalis, et Iesu Christi comedens carnem et sanguinem bibens mutaberis in ipso, et membrum corporis ejus efficeris.

37. Quod si quis objiciat Caæbitas etiam aliis canoniciis, vel sacerdotibus, vel ministris posse comparari, et rursum Dominum Jesum crucem sibi bajulantem omnibus fidelibus suis, qui crucem ejus in se portant, posse conferri; et ego consentio, et haec dicentem approbo. Sed non cuiquam grave debet videri, si illum propinquorem sanctuario interiori judico, qui majorem laborem pro Christo assumpsit, vel si illum paulo amplius Christo consimilem, quam me in ejus cruce portanda dixerim, qui maiorem quam ego oneris illius piissimi partem arripuit. Cum enim me amplius vigilant, jejunant, laborant, algent, et ut ad digniora veniam, cum humiliores et pauperiores pro Christo sunt, sub sarcina illa piissima quasi altiores et fortiores in medio curvatos intueor; me autem cum ipsis sub ipsa sarcina quasi humiliore humeros submississe, et manus posuisse, et brachia tetendisse, ut infirmior quod possem facere aspicio. Sunt enim ipsi tales, qui humilitatem integre et pure custodian, ita ut quæ viliora pro fratribus agant, stabula, ut audivimus, mundantes, et cætera contemptibilium servorum officia persicentes. Non enim dedignantur stabula, vel boum, asinorumque præsepio mundare, cum legant in Evangelio Doninum suum propter nos in præsepio dignatum jacere. Sectantur etiam et ipsi tantum circa adventantes hospitalitatem et humanitatem, ut Abrabæ et Lot consimiles jure dicantur, qui aliquando angelos suscepunt, quia hospites dilexerunt. Habent etiam in victu et vestitu tantam austritatem, ut Joannem Baptistam imitari videantur, qui natus de sacerdotali stirpe, consortia sæcularium fugiebat, et pilis camelii zonaque pellicea vestiebatur, et mel silvestre comedebat. Ne vero per multiloquium peccatum incurvant, juge silentium tenere, vel pauca loqui dicuntur, ut cultum justitiae omnino sequantur. Laudo professionis hujus magnanimitatem, prædicto erga corporis austritatem, amo tantam eorum humilitatem, sed modum in omnibus tenendum esse pronuntio. Cum enim audio sacerdotes et ipsum etiam abbatem in hoc ordine canonorum, qui longe vita et conversatione a sæcularibus se faciunt, in illo etiam ordine monachorum qui similiter secedunt, de quo superius tractavimus, lac de ovibus suis mulgere, stabula mundare, vix possum credere, sed tamen cum hoc vel tandem credo, humilitatem eorum veneror et admiror. Video enim illos haec ideo agere, ut superbia in eis omnino confundatur, et humilitas erigatur.

38. Velle tamen eos qui circa altare quotidie ministrant, et maxime illos qui quotidie pro officio sacerdotii corpus Christi tractant, ob reverentiam ipsius corporis, quia nihil mundius esse potest, ita

A non agere; sed aliis qui ad illa officia suscipienda in Ecclesia adhuc idonei non sunt, haec agendo relinquere. Nam et in libro Numerorum, de quo superius aliqua memoravimus, cum secundum Dei præceptum tribus Levitica numeraretur, et ab uno mense et superius numerus ipse inciperet, et usque ad xxii millia surgeret, tamen non sunt inventi a xxx annis et supra usque ad L annum, nisi octo millia quingenti octoginta, qui ad ministerium tabernaculi vel altaris possent assumi, quod igitur de his qui minores natu erant dicemus? Nihilne illi qui annorum erant xv et xx egisse dicendi sunt? Credo et illos, et credendum est virtutum habuisse exercititia, ut in minoribus probati et exercitati, decimas frustra non comedenter, sed patribus suis obedientes et humiliter obsequentes, illis laxatis ab officio, unusquisque pro vita merito patri succederet. Ita et hic potest fieri, ut si sunt aliqui fratres in Ecclesia, qui ad illa sancta tractanda adhuc minus idonei sint, in istis quæ humilitatem exerceant, et superbiam frangant, exerceantur, ut postea emeritis senibus quiescentibus, et vasa, id est ministros ipsos vel fideles quosque custodientibus jure succedant. Illi vero sua officia quæ munditiam maxime expetunt, in omnibus honorent.

39. Quod si mihi dicat aliquis, quia omnia munda mundis. Et ego siveo, sed requiro utrum indumenta illa quibus ad altare accedunt, munda etiam exterius esse debeant, vel qua cura corporalia et manilia seu manutergia tractanda sint. Si vero munda ea esse oportet, sicut etiam in accipiendo ordinibus subdiaconis injungitur, ut ea munda faciant, quanto magis manus quæ corpus Christi conscient, tangunt, elevant, portant, amplectuntur, aliis tribuant, mundæ exterius servandæ sunt? Quod si mundare eis domos placet, habent etiam ipsi in hoc officium suum, ut mundare debeant ecclesiæ pavimentum, non equorum stabula. Lege in libro Machabæorum, ubi elegit Judas sacerdotes sine manu, voluntatem habentes in lege, et mundaverunt sancta. Sanctus etiam Hieronymus in Commentario Matthæi sacerdotibus exprobrat, quod cum debuissent parietes levigare, pavimenta verrere, vasa mundare, tunc faciebant consilium quo modo occiderent Dominum. Ecce habes in mundandis ecclesiæ parietibus vel pavimentis antiquorum exemplum, quos imitari humilitati non erit inimicum, et munditiae reverentiaque, quæ corpori Christi etiam in exterioribus debentur, non erit adversum.

D 40. Quod si dicat aliquis ablutione aquæ ilias sordes supra memoratas cito mundari, quid erit si talia inhæserint, quæ non cito recedant? Et quid de vestimentis quotidianis, cum quibus necessario ad altare acceditur, si talibus sordibus inficiantur? Non enim quotidie possunt ipsa mutari. Si vero dicat adhuc aliquis in interioribus, non exterioribus debere esse munditiam, et quia Jesus in regione nostra sordes exteriores, sicut famem et situm pro

nobis pati non repudiavit, amplector quidem humiliatorem; sed dico sputa Judæorum jam non esse in facie Jesu quæ pependit in ligno, nec me tale corpus Christi sumere, quale fuit cum esset passibilis, sed tale quale nunc est cum sedet ad dextram Patris. Tale corpus Christi credo, teneo, amplector, sumo, in visceribus interioris mei trajicio, et corpus illud intus et exterius, sicut anima mea Iesus mundum præ omni munditia esse pronuntio, et amo circa corpus ejus venerationem, cujus caro non vidit corruptionem. Si autem placet eis tanta humilitas et sui dejectio, placeat eis et meus circa corpus Christi cultus et devotione; sed si prætendant nobis ex regula sua laborem manuum sibi injunctum; sunt multa quæ cum reverentia illa Domini corporis possunt exerceri, ut est fodere, ligna et segetes cædere, plantare, seminare et his similia.

44. Non hoc dico quasi reprehendam eorum humilitatem, quæ custos est cæterarum virtutum, quæque talibus indicis propalætur; sed ostendo meam circa corpus Christi devotionem. Ipsi vero si aliud aliter sapiunt, hoc quoque illis Deus revelavit. Sane de Regula illa, quam plurimi canonorum, quia sic intulatur, B. Augustini esse affirmant, audeo certum aliquid definire. Si enim dixerim illius non esse, titulus ipse, qui ubique nomen Augustini tenet, contradicet mihi. Rursus si affirmare voluero illius esse, duo sunt quæ objici possunt, et a pluribus dicuntur, quia nec in libro *Retractionum*, ut ejus plures libri, posita est, nec modus verborum et stylis gravitas illius Aurelii suis conprobatur, quæ in illa Regula plurimum desunt. Certius est illud quod de vita sua in libro *Confessionum* ipse ponit, quod factus presbyter monasterium clericorum mox instituit, et cœpit vivere secundum Regulam sub sanctis apostolis constitutam; et illud quod de vita illius Possidius discipulus ejus scripsit. Nemo ergo pro Regula illa socium viæ Dei esse prævaricatorem credit, quam illius auctoris suissæ multi dubitant. Sit vero omnibus canonis unus affectus observandi quid quisque vorerit, vel quod unusquisque in sua ecclesia, quod religioni non obviat, invenit.

VI. *De canoniciis qui juxta hominum conversationem habitationem habent, ut sunt Sancti-Quintinenses, de Prato, Sancti-Victorienses.*

42. Quoniam in superioribus post monachos diversi habitus et ordinis, de canonicis, qui longe se ab hominibus faciunt, pauca pro viribus diximus, nunc ad illos canonorum mores et ordinem veniendum est, quos quasi in medio positos inspicere possumus, ut nec sicut illi qui longius secedunt consortia hominum mundanorum omnino fugiant, nec sicut illi qui sæculares dicuntur, cum hominibus habitationem suam communicent. Proponuntur enim et isti ad morum humanorum correctionem, ut mali videntes eorum vitam a malitia convertantur, et conversi vel talem vitam aggrediantur;

A vel si aggredi non possunt, diligendo et pro posse imitando, et eleemosynas impertiendo, pro susceptione justi, et pro calice aquæ frigidæ saltem dato in nomine discipuli mercedem utriusque accipient. Et quoniam illud quod in libro *Numerorum* de tribu filii Levi scriptum est, per figuram canonorum vitæ servire posse superius memoravimus, et remotos canonicos filiis Caath assimilavimus, nunc intueamur si Gerson vel filios ejus, qui quasi in medio positi videntur, tali canonorum ordini persimilitudinem æquiparare valeamus.

43. Ac primum quid nomen Gerson innuat attendamus. Interpretatur autem Gerson *advena* ibi. Intende diligentius, et tali nomine perspecto, si quid congruum vel officiosum inveneris, studiose notato. Intuere illum qui ait: *ut incola ego sum apud te et peregrinus, sicut omnes patres mei* (*Psalm. xxxviii*), et intelligere poteris servos Dei ubicunque sint, dum in corpore sunt, peregrinari a Domino, et veraciter dici posse apud Deum esse peregrinos, qui sequuntur, ut comprehendant, et in via Dei cum Deo et apud Deum ambulant, ut ad ipsum pervenire valeant; patres vero suos in hoc imitantur cum illorum vitam inspiciendo, quam longe a mundi voluptatibus sese fecerint, similia operando filios eorum se esse operibus ostendunt. Advenæ igitur sunt ibi, cum et Deum sibi locum faciunt, et longe se adhuc a cœlesti patria esse cognoscunt.

C Si vero melius tibi placet, ut quod dicitur Gerson interpretari *advena* ibi referatur ad illud quod sancti viri habitant saepius juxta homines mundanos, et ibi tanquam advenæ non tanquam indigenæ morantur; quia eorum conversatio non hic, sed in coelo est. Habes et in hoc versum propheticum consonantem, ubi orat et dicit: *Incola ego sum in terra; non abscondas a me mandata tua* (*Psalm. cxviii*). Si vero advena ibi referatur de servo Dei ad ipsum Deum, sive de servo Dei ad mundum, utrumque illi servo Dei congruit, quia et in hac vita Deum sequitur, nec ut capit plene consequitur, et ideo apud Deum peregrinatur, et inter homines tanquam advena habitans, incolatum suum prolongatum esse, et habitationem in Cedar, heu! clamando congreginat. Si autem hanc interpretationem advenæ ad unumquemque fidem inflectere possumus, quanto magis ad illos, qui hoc non solum vita et moribus tenent, sed etiam ipso habitu et conversatione, necnon etiam loco, ut nihil ab eo quod dicitur Gerson, id est *advena*, ibi discrepare videantur? Habet ergo hæc interpretatione cum canoniciis qui in civitatibus vel castellis vel villis habitant, nec tamen habitationi hominum sese immiscent, aliquam consonantiam, quæ et proprie de illis dicitur, et a cæteris fidelibus non removeatur. Et quia de loco et modo habitationis fecimus mentionem, sicut superius de monachis qui in civitatibus vel castellis degunt diximus, ut officinæ eorum habitationem hominum non respiciant, ita hic canonici similiter faciendum esse decerno, et istis,

id est canonicis rationem illam quæ de monacho-
rum habitatione reddita est, custodiendam esse
pronuntio.

44. Considerato igitur nomine Gerson, et interpretatione discussa, intelligi, ut credo, jam potest, quod Gersonitarum nomen a canonicis talibus, qui incolatum mundi actu et loco profertur, non multum discrepare videatur. Jam vero officia Gersonitarum quibus in tabernaculo ministrant consideremus, si forte canonicis talibus eorum onera vel opera aptare valuerimus. Primum ergo inspiciamus quod a triginta annis et supra usque ad annum l, id est a perfectione virtutis usque ad mortificationem carnis et membrorum quæ sunt super terram, ministrare præcipiuntur, et quid postea sequatur intendamus. Considerandum etiam est, quod sicut Gersonitæ pro dignitate vitæ a summo sacerdote vel filio ejus Ithamar onera suscipiebant: ita et isti ab episcopo, prout quisque profecerit, vel in acolytorum sorte, vel subdiaconorum gradu, vel diaconorum dignitate, vel sacerdotum vigilancia promoventur. Et ne te turbet quod dicimus, inspice diligentius lectionem Numeri et invenies alium quasi digniorem ea quæ ad altare pertinent et vasa ministerii deferre, velamen hyacinthinum, aliumque cortinas tabernaculi, et tectum fœderis, et similia portare, et ut ad minora descendam, alios cortinam atrii et velaminis quod in introitu est tabernaculi, funicularumque portatores. Et ne putas indifferenter eos ista vel alia portare, subinfertur: *Et scilicet singuli cui debeant oneri mancipari (Num. iv).* Unde convenienter conjici potest, quod pro vita merito onerum erat distributio. Similis forma custoditur etiam nunc cum ab episcopo tales canonici ordines sacros, prout dignum videtur, quisque sortitur, et gradatim ad sacramenta ecclesiastica promoventur. Si vero te movet quod istos canonicos Gersonitis assimilamus, vigilanter attende, et illorum in lege ritum et istorum similiter propositum, et intelliges multam esse in utrisque convenientiam, quam etiam me non piget aliquatenus disserere, et quia illi sacrorum vasorum et omnium quæ ad altare pertinent portatores fuisse memorantur, intueantur quam congruum sit canonicis, qui in civitatibus et castellis et villis habitant, ut juxta homines manentes ad interiora quæ significantur, et per ea qua ad altare pertinent, et per vasa ministerii propter se ipsos residenceant, et rursus propter alios ad exteriora respiciant. Intuere etiam sagaciter onera Gersonitarum, licet in illo libro indifferenter, ut credo, ponantur, quia aliqui eorum, ut dixi, interiorum, ut sunt illa quæ ad altare pertinent, curam habent; aliqui autem cortinas tabernaculi portantes et tectum fœderis, operientur aliud non ita in interioribus, ut priorcs, morantur, illi scilicet qui vasa ministerii et ea quæ ad altare pertinent serunt. Nec illi ergo Gersonitæ relinquantur, qui pene expositi et interiora pene relinquentes, tentorium quod pendet in introitu fœderis

A tabernaculi, cortinas atrii et velamen in introitu, quod est ante tabernaculum, portare memorantur.

45. In hac trina divisione Gersonitæ partiti, possunt significare canonicos qui in Ecclesiis quæ juxta homines sunt professionem serviendi Deo faciunt, quorum quidam ab episcopis ordinati ad communes ordines Ecclesiæ, sub manu abbatis sui, quasi sub manu Ithamar filii summi sacerdotis, vivunt, et provida dispensatione, prout ipse abbas unumquemque valere novit, unum introrsum, quasi circa altare et circa vasa ministerii manere præcipit; alium vero nec totum interius, nec totum exterius, quasi ad cortinas et ad tectum fœderis, quæ quidem, ut credo, in loco interiorum erant, sed de longe vi- B deri poterant pro merito vitæ deputat. Alium autem quem in exterioribus valere conspicit, quasi ad tentorium quod pendet in introitu fœderis tabernaculi et ad cortinas atrii fidenter relaxat, et ut manifestius fiat quod dicimus, unus in claustrum retinetur, ut in interioribus Deo serviat, alias in eodem loco curas fratrum suorum et hospitum vel peregrinorum suscipit, alias equidem ad obedientiam longe et ad parochiam dirigitur.

46. Et quia de parochiis quas ipsi suscipiunt susceptasque regunt fecimus mentionem, dignum est ut de hoc pauca dicamus. Nam audivi plerosque sacerdotes vel clericos laudantes quidem ordinem talium canonorum, sed murmurantes, quod qui sæculum reliquerunt, rursus ad sæculi homines curandos remittantur, quasi dignum non sit eos sæcularia negotia vel propter se vel propter alios tractare. Quapropter illud primum intuendum est, quod eadem familia Gersonitarum cortinas atrii in ministerium suscipit. Atrium itaque extra tabernaculum erat et prope tabernaculum. Nam et atria domus extra domum sunt et juxta donum, domumque inhærent, ut nullus de domo egredi possit vel ingredi, nisi per atrium quod domui jungitur. Et attende quod illi qui cortinas atrii ferebant, illorum vitam, qui subtiliter ad ecclesiam venientes investigant, significare possunt. Illud etiam inspice, quod hæc familia cum vasis altaris, cum funiculis et vasis ministerii, non nisi cortinas et tectum, sive velamina, vel tentoria et cortinas ibidem atrii portare memorantur, quæ omnia subtilia fuisse, si Exodum legeris, invenies; et quia similitudinem de hac familia ad canonicos qui juxta homines sunt trahere voluimus, primum intueamur officium familiæ illius quam mundum fuerit, et quam subtile. Quid mundius poterat inveniri cortinis tabernaculi cum factæ sunt, quid subtilius? Forsitan omnium servorum Dei munditiam præfigurabant, et subtilitatem sive in Scripturis intelligentis indicant, sive in moribus coercendis vel suis vel aliorum, ne ab irruente iniquitate tanquam interiora tabernaculi a tempestate lœdantur. Si igitur omnia hæc munditiam et subtilitatem servorum Dei indicant, quanto magis illorum, qui hoc et opere exercent et habitu

vel habitatione testantur? Si enim tales canonicos prudenter inspicias, et eorum professionem consideres, invenies eos qui ex his intus in claustrō resident, actus suos sociorumque subtiliter investigare, ne quid sit quod oculos divinae majestatis offendat, eos etiam qui exterius, vel propter obedientiam vel parochiam mittuntur, subtiliter vel suos actus vel sibi commissorum pensare, et super omnia circa ministerium altaris munditiam tenere. Si igitur, ut præmissum est, illi Levitæ qui cortinas atrii ferebant, eos canonicos præfigurare possunt, qui exteriorum hominum facta subtiliter pensant, jam non erit absurdum, si canonici ipsi populum regant, qui eorum facta discutere, et sui officii respectu munda facere neverunt.

47. Si autem requiratur quare et ipsi servos habent et ancillas, et cur sicut judices sacerdotes eos regant et protegant, superius de monachis hæc eadem agentibus ratio redditæ sequi debet. De decimis vero quas suscipiunt, nulla quæstio esse debet, quia ut Levitæ et sacerdotes quod suum est requirunt. Addimus etiam prædictæ rationi, quod Levitis, præcipiente Domino, urbes ad habitandum datæ sunt, et oppida sex in fugitiórum auxilia, et alia oppida **XLVIII**, cum suburbis suis. Ex quibus omnibus liquet quod quidam Levitarum in tabernaculo et circa tabernaculum versabantur, quidam vero longe positi populos remotos docebant quæ Dei sunt, obedientes summo pontifici et filiis ejus. Simum ergo formam canonici juxta homines positi custodiunt, quosdam in matrice ecclesia tanquam in tabernaculo retinentes, quosdam vero longe ad docendos et regendos populos dirigentes, ut de redditibus et decimis fidelium et ipsi vivant, et quod superfuerit fratribus suis ad ecclesiam tanquam ad tabernaculum sacerdotibus et ministris referant. Si vero requiras quare ipsi Gersonitæ, id est advenæ, ibi sub manu Ithamar filij summi sacerdotis, qui interpretatur *amaritudo*, constituantur, facilis patet responsio, quia qui advenas se in hoc sæculo neverunt, dum sunt in corpore a Domino peregrinantes, salutifera et a Deo data amaritudine patriam semper requirunt, et sic sub filio summi sacerdotis Ithamar, id est sub dilato desiderio patriæ cœlestis adipiscendæ, sub quadam amaritudine vivunt, Deo que ministrant.

48. Ecce dum in umbra futurorum bonorum, id est in veteri lege canonicos vel Levitas, sacerdotesque istius temporis adumbratos fuisse quærimus, et post illam umbram veritatem sequimur, ille noster Jesus nobis ad memoriam revocatur, qui non umbratice, sed veraciter de humana infirmitate natus, et juste vel regulariter inter homines vivens, et ideo merito quasi Levites assumptus, sacerdos vel pontifex factus est in æternum secundum ordinem Melchisedech. Inquiramus ergo de illo, si forte aliiquid egerit, unde tales canonicos representaverit. Lege illum diligenter in Evangelium secundum Lucam proximum passioni euntem secundum

A consuetudinem in montem Olivarum: secuti sunt autem eum et discipuli, et cum pervenisset ad locum, dixit illis: *Orate ut non intretis in temptationem. At ipse avulsus est ab eis quantum jactus est lapidis, et positis genibus orabat dicens: Pater, si vis, transfer calicem istum a me. Verumtamen non mea voluntas, sed tua fiat. Apparuit autem illi angelus de celo confortans eum, et factus in agonia prolixius orabat. Et factus est sudor ejus sicut gullæ sanguinis decurrentis in terram, et cum surrexisset ab oratione, et venisset ad discipulos, invenit eos dormientes prætristitia, et ait illis: Surgite, orate, ne intretis in temptationem (Luc. xii).* Intueamur pontificem nostrum Dominum Jesum qui penetravit cœlos, egressum secundum consuetudinem in montem Olivarum, ut omnibus se sequentibus suam misericordiam insinuaret. Egrediatur et canonicus de turbine hujus vite cum Domino, ut omnium misereatur, et sit omnibus omnia, ut omnes lucrifaciat. Et nota quod secundum consuetudinem in montem Olivarum egredi dicitur. Quis enim melius secundum consuetudinem in montem Olivarum egredi jure dicatur, quam ille Pater misericordiarum, qui est etiam mons montium, in quo placet Deo habitare usque in finem? Sic et canonicus debet facere, imitando illum qui tulit omnium vulnera, ut omnibus misereatur.

B 49. Secuti sunt autem illum et discipuli volentes ire quo ille ibat, et non valentes, sicut Petro prædixerat. Infirmi enim adhuc erant. Hoc nobis sæpe contingit, cum bona coram hominibus facimus, ut imitatores nostri sint, sicut et nos Christi. Sequuntur autem nos sicut illi discipuli adhuc infirmi sequuntur Dominum, sed in omnibus nos sequi non possunt. Cum enim pervenerint nobiscum ad locum orationis, sicut illi discipuli cum Domino, et invitantur a nobis ad orationem, ne intrent in temptationem, non possunt diu orare, non possunt diu nobiscum stare. Quid igitur nobis faciendum est? avellamus ab eis cum Domino quantum jactus est lapidis, id est ad perfectionem feramur quantum homo. lapidem Christum imitari potest, relinquentes ad tempus populorum imbecillitatem, et pro eis orantes, ne Christi passionibus nobiscum valeant communicare. Positisque genibus orabat, dicens: *Pater, si vis, transfer calicem istum a me. Verumtamen non mea voluntas, sed tua fiat.* Manifestum est omnibus hæc dicere Dominum, non propter se qui potestatem habuit ponendi animam suam et iterum sumendi eam, sed propter illos qui in hoc tabernaculo ingemiscentes, nollent expoliari, sed supervestiri, ut absorbeatur mortale a vita. Quid igitur? Istam orationem quam Filius obtulit Patre, nullus jam fidelium et præcipue canonicorum vel quorumlibet Dei servorum dicere potest? Potest, ut credo. Licet enim in Dei servitio magis exercitato infirmioris personam in se suscipere, sicut et Dominus clamat, caput pro membris; nec est absurdum, si majus membrum clamet pro minore, sicut non est absur-

dum majorem digitum minorem tegere et defensdere. Dicat ergo perfectus quilibet, dicat et canonicus, qui cum infirmo infirmatur, cum scandalizato uritur, et oret suscipiens in se personam alterius : *Pater, si fieri potest, transeat a me calix iste.* Video enim fratres meos, viscera mea, multum trepidantes relinquere usum pristinum, et precor ut a visceribus meis transeat calix iste inveteratae consuetudinis, relinquantque mundum qui transit cum concupiscentiis suis, et relinquat et transeat ab eis calix qui mistus est mero in calice iræ Dei, recedatque ab eis, moriaturque in eis calix Babylonis, id est cupiditatis sacerularis, ut possint et ipsi suscipere calicem salutarem, et nomen Domini perfecte invocare. Quod si fieri non potest, quod volumus omnes homines esse sicut nos ipsos, non nostra voluntas, sed tua sit, qui cuius vis misereris, et quem vis obduras, et perfectos id ipsum sapere facis, et imperfectum nostrum viderunt oculi tui. Non enim qui adhuc perfecti non sunt omnino peribunt, sed credentes salvi sient. Hæc dicens canonicus qui forte ex præcepto abbatis sui regit plebem Dei, vel qui interius manens pro plebe Dei orationem fundit, perfecte potest dicere, ut credo, illam Dominicam vocem, si atris sui infirmitatem suam esse deputans. Si autem et hoc communiter dicat, et pro se et pro aliis videbitur orare, ut passiones peccatorum quæ operantur in membris nostris, ut fructum ferant mortis, transeant a nobis, ut liberati a peccato tanquam a calice mortis, vota nostra reddamus in atris domus Domini in medio Jerusalem. Quid autem dicemus de tali canonico vel Levita? Nunquid ipse quem invocat et cui obtemperat Pater spirituum, relinquit eum inconsolatum? Non. Vide ergo quis effectus illam Dominicam orationem sequatur. *Apparuit autem illi angelus de celo confortans eum* (*ibid.*). Apparet etiam nobis nunc magni consilii Angelus, *Panis ille qui de celo descendit* (*Joan. vi.*), ut cor hominis confortaret, cum pro nobis et pro ejus populo supplicamus, effectum orationibus nostris præbendo, et ut sine intermissione oremus confortando, et ne quid in oratione decesset, quod in capite Christo Jesu non procederet.

50. Vide ipsum in oratione laborantem: unde etiam sequitur: *Et factus in agonia, prolixius orabat.* Quid igitur est quod Dominus meus Jesus orans Patrem in agonia fit, nisi hoc quod nos cum oramus, et ipso cum effectu nostræ orationi præstito apparente nos confortante, aura illa sacerularis cogitationis, vel carnalis infirmitatis, seu favor humanæ laudis exagitare cupit, et ab oratione divellere? Quapropter agon ille quem assumpsit Jesus, arripiendus est, licet alio modo, ut refugiamus illa sacerularia et carnalia, et prolixius orantes, turbines cogitationum fluitantium superemus.

51. Sequitur: *Et factus est sudor ejus sicut guttae sanguinis recurrentis in terram.* Primum inspicere Dominum Jesum in agonia prolixius orantem, sudore suo labore orationis commendantem.

A Deinde intuere ipsum sudorem ad instar sanguinis fluentem in terra, ut labor orationis ejus laboris nostri esset initium, et sudor ejus testimonii nostri quod pro Jesu testificamur, et ad terram, hoc est ad terrenos homines velut passu quodam decurrit, fieret incitamentum. Si enim inspicias vigilantes nos et orantes, quomodo stupeant homines, et dicant supra se esse quod agimus, intelliges laborem nostrum pro testimonio Jesu velut sanguinem, id est passionem fluxisse et pervenisse ad terram, cum homines orationes et vigilias nostras magnam esse judicent passionem.

B 52. Et vide quid sequatur sudorem illum sanguineum: *Et cum surrexisset ab oratione, et venisset ad discipulos, invenit eos dormientes præ tristitia.* Quid autem est quod cum Jesus orat, discipuli contristati dormiunt nisi quod nobis orantibus et in orando laborantibus, homines illi adhuc infirmi, et ad imitationem nostri assurgere adhuc non valentes, sopiuntur tamen jam a voluntate carnali. Tristitia autem quæ eos sequitur et dormire facit, quid est aliud quam pœnitentia peccatorum, quæ mente terret et a peccato dormire facit? Quæ cum superno respectu contingit, tunc veniendum est cum Jesu ad discipulos, hoc est ad homines adhuc infirmos. Tunc increpandi, tunc admonendi, tunc excitandi, tunc dicendum est eis quod in sequentibus dicit Jesus: *Quid dormitis?* (*ibid.*) Plus vos oportet facere quam mala et cupiditates mundi relinquere. Salubris est quidem sonus iste, quiescere scilicet secundum Isaiam agere perverse; sed vide quod dictum est: *Declina a malo et fac bonum* (*Psal. xxxvi.*); et illud quod sequitur in eodem propheta: *Discite benefacere* (*Isa. i.*). *Surgite ergo, et orate ne intretis in temptationem.* Si enim tepidi fueritis, Dominus Jesus evomens vos ex ore suo, patietur vos induci in temptationem, quam ferre non poteritis, sique a via Dei deviabitis. Ecce illa quæ fecit Jesus verus Levita verusque sacerdos propinquus passioni et orans diutius, canonicis qui juxta homines sunt, bene, ut credo, aptari possunt; quæ canonicus observans recte regularis poterit appellari: et si regimen super homines sacerulares habuerit, et ad bona eos provocaverit, non poterit ab aliquo proinde judicari. Sed dum meum Jesum qui fons est et origo totius boni, istorum etiam canonorum opera suscepisse conjicio, mens reminiscitur illorum qui in primitiva Ecclesia Jerosolymis morabantur, quos sancti apostoli corporaliter propter prædicationem evangelii relinquentes, mente quidem cum eis morabantur, et tempore famis quæ facta est sub Claudio, de eleemosynis creditum, ut in Actibus eorum legitur, sustentare satagebant. Quæ si recte inspicias, videbis canonicos qui juxta homines sunt similia agere, cum et illi qui interius quasi qui in Jerosolymis morantur, illos qui exterius vel propter prædicationem et regimen, vel propter obedientiam sunt, orationibus suis comitantur. Illi vero qui exterius, quasi apostoli per mundum sunt,

interius Deo servientes magnificant; et ne causam progreendi et minus orandi habeant, de eleemosynis fidelium resicere non desinunt.

53. Sed et illud attende quod Gersonitis, de quibus paulo antea loquebamur, plastra et boves dati sunt, ut illorum infirmitas relevaretur, nec sub onere suo desicerent. Quid enim sunt vehicula, nisi infirmitatis nostrae remedia? Habemus ergo plastra, habemus et boves, quibus onera quæ in domo Domini suscepimus, feruntur, cum perfectas orationi studentes, plastrum nostrum, id est volubilitatem et mortalitatem nostram per boves, id est per predicatores vel operarios exteriores cum oneribus nostris, id est cum laboribus serviendo Deo circumducimus. Per illos enim, qui nobis in exterioribus rebus ministrant, oratio nostra multum juvatur, quia vix fieri potest, ut perfecte quis orationi studeat, qui mentem vel exterioribus rebus vel corporalibus occupat. Quod si quis etiam hoc agere prævalet, quia in Ecclesia tam perfecti viri non desunt, cum Apostolo laudet Deum, qui manibus laborabat, ne quem gravaret, et fratrum memoriam semper in orationibus habebat, sicut ipse de Romanis se agere prohibet. Utuntur autem isti potestate sibi concessa, habentes licentiam, ut qui Evangelium annuntiant, de Evangelio vivant, scientes non esse magnum, quandoquidem ipsi spiritualia seminarunt, si populum carnalia metant.

53. Si autem quis mihi objiciat quod multi in his sunt qui Evangelium annuntiare nesciunt, sicut sunt simplices quique, vel conversi. De hoc respondeo, quia qui bene vivit et propositum bene vivendi habet, professionemque suam quantum potest sequitur, de hoc recte dicitur quod evangelizat, id est bona annuntiat. Melius enim mibi annuntiare videatur, qui bene vivit, quam qui bene loquitur. Ille enim pro bono opere vel bono odore accipiet remunerationem; hic autem qui scivit voluntatem Domini sui et fecit digna plagis, vapulans multis accipiet damnationem.

56. Quod si aliquem movet quod plerique canonici, ex his dico qui juxta homines mundanos habitant, non laborant manibus, primum possumus breviter respondere, quod dicit Apostolus: *Corporalis exercitatio ad modicum utilis est, pietas autem ad omnia* (I Tim. iv). Quod enim dicit ad modicum esse utilem corporalem exercitationem, ostendit quidem illam aliquantulum valere, sed non adeo, ut super hoc præceptum alicui imponat, vel si non labore corporaliter, deteriorem judicet. Pietas autem, quam ad omnia utilem esse denuntiat, in canonici qui juxta homines morantur, a magistris tunc maxima exhibetur, cum in claustris retinentur, ne progredientes mundana juxta se posita videant, quibus visis in illis hærent, et infirmas mentes molliant, et tali visu dispergant. Nam laus claustrum esse solet, si diu in claustro fuerint, si mundana videre contempserint. Si autem et hi qui in claustro sedent aliquid manibus operari volunt, bo-

A num hoc esse pronuntio, et otiositatem ab eis sicut a ceteris amputandam esse judico, dicens cum Apostolo: *Qui non vult operari, nec manducet* (II Thessa. iii). Hoc enim ita intelligo, quod hoc non solum de laboribus manuum dicatur, sed etiam de omni opere quod ecclesiasticis viris congruit; quod qui non fecerit, non manducet. Beata ergo iudicanda est illa vita, quæ in claustro sedens, et a mundanis semetipsam quodammodo incarcerat, et in coelestibus se ipsam dilatat. Nec ille qui laborat manibus, jactet se super eum qui sedendo laborat, quia in utroque labore inesse constat; desidiosi judices sunt, qui laborando manibus deficiunt, et sedendo in claustro torpescunt: testis est etiam nostra infirmitas, quæ laborando lassatur, et contemplando divina quam citius ad humana redigitur. Si vero his talibus qui in claustro resident, et prope homines sunt, aliquid operari placuerit, non longius hujusmodi fratribus est procedendum, sed circa habitationes suas operandum. Hæc de canonici qui juxta homines habitant pro posse dicta sufficiant.

VII. *De canoniciis qui inter homines sæculares habitant, et sæculares dicuntur.*

57. De canoniciis qui remotius vivunt, sive de illis qui juxta homines morantur, superius redditatio, ad loquendum de his qui inter homines habitant nos invitat, quorum professionem et actus describere et volumus et formidamus. Si eni eos laudare voluerimus, sanctioris propositi viros timemus offendere, qui eos multoties reprehendunt; si vero vituperare, verendum est, ne fratres nostros in eadem fide et Christiana devotione viventes, populumque Dei regentes contristemus. Nolumus autem, nec nobis conceditur ante tempus quidquam judicare. Vidimus enim et adhuc videmus multos tales canonicos, qui inter homines vivunt, propter quod et sæculares vocantur, suscepta bona ab ecclesia fideliter pertractasse, et simplici victu et vestitu contentos, reliqua pauperibus erogasse, multaque bona vel ecclesiis vel indigentibus fecisse. Quapropter relinquentes quidem quæ faciunt, et minus Deo placere videntur, ut sunt vestes pretiosæ, quibus plerique eorum utuntur, et domus superfluo ornatae, necnon negotia quæ plerique eorum plus justo sæculariter exercent, ostendere tentemus, Deo auxiliante, quid professio eorum contineat, quod in ecclesia habeant officium, unde Deo placeant, quem locum in ejus tabernaculo teneant, si tamen quod suum est impleant. Non enim hoc opere statui aliorum facta mordaci stylo carpere, sed uniuscujusque professio quid boni habeat, et quid simile cum antiquis sanctis, vel cum ipso Domino demonstrare.

58. Ac primum ipsum nomen quo sæculares vocantur, quod multis videtur non in prosperum eis cedere, si possumus, vertamus eis in bonum. Intucamur ergo apostolum Paulum in Epistola ad Hebreos, ubi de priori testamento loquitur: *Quod*

habuit, inquit, justificationes culturae et sanctam sacerdotalem (Hebr. ix). Ut enim in quodam libro inveni, sanctum sacerdotale locum vocat atriorum, ubi gentiles ad Judaismum transeuntes stabant ad adorandum post Iudeos, quem sine dubio sacerdotes et Levites custodiebant. Inspice ergo et istos quos vocamus sacerdotales canonicos, si non atria ecclesiæ forensia custodiunt, si non impuros quosque et vero Judaismo, hoc est veræ fidei confessioni repugnantibus, a sanctis locis arcent, et excommunicando pro auctoritate sibi tradita expellant. Quibus diligenter perspectis, intelligere poteris non ex hoc eis competere sacerdotale nomen, quod plerique ex his sacerdotiter vivant; sed congruerter ideo vocari sacerdotales, quod seculi homines inter quos vivant regere et informare debeant. Bene igitur facient, si de communi vivant, si superflua a se resecant, et ita canonici, id est regulares recte vocabuntur. Optime etiam facient, si commissas sibi oves, id est sacerdotales homines, fideliter gubernare studuerint. Ita enim nomen sacerdotale eis parum oberit.

59. Dico etiam in nullo debere discrepare eos ab his qui juxta homines morantur, nisi forte quis dicat eos plus debere laxari, et plurima loca frequentare, ut pluribus prodesse possint, qui super plures primatum accipiunt. Cæterum in aliis rebus, id est in vestitu et habitu et moribus, decerno consimiles esse debere; sed tamen ita temperate de eis loqui debemus, ut quod in eis corrigendum est, et continuo corrigi non potest, quia ita inolevit consuetudo, toleretur, quod vero in eis bonum est, et acceptum Deo, laudetur. Relicta igitur mordaci reprehensione, quæ auditoribus forsitan scandalum generaret, et illis canonicis nihil forte prodesset, consideremus eorum in ecclesia officium; intueamur et locum, et ex libro Numeri, ut proposuimus, similitudinem horum trahamus. Et quia filios Caath, qui remotius et secretius Deo in tabernaculo ejus serviebant, remotioribus canonicis assimilavimus; et Gersonitas, qui aliquid interius in officio habebant, canonicis qui juxta homines sunt, et plus interius et minus exterius habent, comparavimus; nunc de filiis Merari, qui et ipsi interius et exterius in tabernaculo Dei ministrabant, ad canonicos, quos secundum rationem superiorius dictam sacerdotes appellari volumus, similitudinem trahamus.

60. Primum autem videamus quid Merari nomen indicet, et postea quomodo canonicos talibus conveniat agnoscamus. Merari enim interpretatur amaricans, sive amaritudo, et isti canonici similiter qui populos regunt, qui immundos de ecclesia expellunt, qui redeuntibus ad ecclesiam penitentiam indicunt, qui omnia transitoria despicienda prædicant, qui iniquis penas inferni, nisi resipuerint, proponunt; quid aliud quam amaricantes dici possunt? Amaricant enim se ipsos cum mala et peccata sua vel populorum in se commissa vel aliis illata ueplorant, amaricant et sibi commissos, cum eos pro culpis de cœtu fidelium expel-

A lunt, vel cum satisfacientes penitentiae laboribus onerant; et quia ex operibus eorum officia cognoscimus; videamus a quo tempore onera ferre incipiunt, ut postea quæ sint eorum onera perpendamus; nam et ipsi a triginta annis et supra usque ad annum quinquagesimum ministrare sicut cæteri præcipiuntur, ut in eis et perfectio virtutis et mortificatio carnis incesse debere monstretur.

61. Portant autem tabulas tabernaculi et vectes, columnas et bases earum, columnas quoque atrii cum basibus et paxillis et funibus suis. Omnia vasa et supellectilem ad numerum accipiunt, præcipiente Domino, et sic portant. Si consideremus diligenter Meraritarum onera, inveniemus ea fuisse gravia. Quamobrem et illos in veteri lege fortis in præceptis Domini custodiendis fuisse oportet, quibus tam gravia et tam digna onera commissa sunt. Si autem illi in præceptis Domini fortis dicendi sunt, qui in umbra futuri Deo serviebant, quanto magis illi qui in veritate Ecclesiam ejus supportare in officio suscepserunt? Et si quem movet quod filios Merari canonicis qui inter homines vivunt assimilamus, et illorum onera officiis istorum comparamus, intendat diligenter si aliquid congruum hæc dicentes invenimus, et quia superiorius diximus Meraritas interius et exterius ministrasse, vide si non etiam canonici qui inter homines sunt hoc faciunt. Ministrant enim interius cum in ecclesia officia ecclæsiastica gradationem accipiunt, ut in domo Dei quotidie illi serviant, ministrant et exterius, cum plebes Dei ad Ecclesiam advocant, instruunt, præcepta injungunt, quid unoquoque die in ecclesia facere, quid in domo, quid in agro debeant, utrum vacare, an operari, jejunare an manducare possint indicant. Prætereal contempnentes Dominorum præceptorum suorum de ecclesia expellunt, correctos revocant, incorrectos condemnant, ut ne ad mortem quidem communionem accipient, ne sepulturam in sacratis locis habeant. Talia autem officia quæ enumeravimus, intus et foris, ut perspicuum est, canonici qui dicuntur sacerdotales exercent. Unde merito tales, si officium suum bene impleverint, portitoribus tabularum tabernaculi et vectium, columnarum et basium, columnarum quoque atrii, basiumque et paxillorum et funium adæquari possunt. Tabulatum etenim tabernaculi portant cum sanctorum Patrum opera et scripta, quibus Ecclesiam Dei portaverunt et decoraverunt, populis sibi commissis ad exemplum proponunt et docent, quia sicut tabernaculum super tabulas innitebatur affixum, sic Ecclesia stat innixa verbis et operibus apostolorum et prophetarum. Portant vectes quibus tabulæ firmabuntur, ut structura superimposita non moveretur, cum testimonia et præcepta, quæ data sunt nobis custodienda ut in eis firmiter hæreamus, populis proponant. Ferunt et columnas cum doctores qui prophetas et apostolos secuti sunt, qui etiam ipsi Ecclesiam Dei portaverunt, populis imitandos esse edocent. Bases

quoque columnarum deferunt, cum regimen quod A Ecclesia semper habuit pleibus ostendunt. Basis enim dicitur rex. Et attende diligenter quod postea de Meraritis sequitur, quia columnas atrii per circuitum cum basibus et paxillis et funibus suis portant. Cum enim superius tabulas tabernaculi et vates et columnas et bases portare dicebantur, demonstrabatur eos in interioribus tabernaculi aliquid habuisse officii. Cum vero columnas atrii cum basibus et paxillis et funibus portare memorantur, potestatem super plebes quae ad tabernaculum conveniebant et extra tabernaculum erant, tenuisse indicantur. Neque enim structuram atriorum ferre, et inordinate in atriis se habentes non cohibere poterant.

B 62. Unde quia istos Merari filios canonici qui sacerulares dicuntur assimilavimus, videndum est, quia sicut illi in tabernaculo Dei deserviebant, et rursum extra tabernaculum atria custodiebant, sic et isti interius Deo servire et contemplationi studere debent, et exterius propter alios sibi commissos militare, et onera aliorum deferre oportet. Debent etiam sibi subjectis pleibus hædere et sibi commissos non deserere. Hoc enim per paxillos tabernaculo affixos designatur. Funes etiam tabernaculi portare præcipiuntur, ut se sibique commissos charitate mutua astringant. His igitur omnibus perspectis, inspicere potes canonicos quos dicimus sacerulares, si officium suum quod habent in Ecclesia bene custodierint, et professionem suam quam Ecclesiae Dei faciunt observaverint, non dici debere sacerulares, quod seculariter vivant, sed quod saceruli homines regere debeant. Si enim primun consideremus parentum ipsorum devotionem, qui filios suos erudiendos in ecclesia offerrunt, et si intucamur quales sancta Ecclesia post suam doctrinam eosdem postulet ad gradus ordinum promovendos, intelligere poterimus eos non seculariter debere vivere, qui ideo docentur, ut speculatori domus Israel postmodum ponantur. Sed nec illud omittendum est, quod filii Merari, sicut in Numeris legitur, omnia vasa et supellectilem ad numerum accipiebant cum ceteris oneribus, sicque portabant. Hic intelligi potest etiam illud quod superius ne aliis familiis Levitici ordinis diximus, licet hic non aperie referatur, quod unusquisque pro vita merito officium in tabernaculo Dei sortiretur. Neque enim æstimo sibi conferri debere eos qui tabulas tabernaculi et bases et columnas et vasa ferebant, et eos qui supellectilem in ministerio suscipiebant; sed etiam illud videntum est, quo hæc familia cum dignioribus officiis etiam supellectilem accipiebant, ut intelligenti quibus hanc Levitarum familiam comparamus, sui officii esse, ut nihil quod minimum sit in ecclesia, quod ad se vel ad populos sibi commissos pertineat, debere contemni; sed summo studio agere ut omnia ordinate et secundum Deum flant. Quo enim super plures potestatem accipiunt, eo

A magis plura et majora et minora curare debent, reminiscentes quia cui multum commissum est, multum requiretur ab eo.

63. Sed ne illos quidem sacerdotes relinquere debemus, qui a pontificibus ordinati, tanquam ab Aaron et filiis ejus, ad parochias gubernandas ab episcopis vel eoram ministris mittuntur, et illis obedientes existunt. Non enim debet eorum vita a canonicorum, id est regularium conversatione discrepare, sed ordinate et regulariter, ut rectores populorum decet, inter sæculares homines vivere. Convenit etiam his, ut ubicumque inter homines habitant, et ipsi et familiæ eorum se religiosius habeant, quam cæteri plebeii homines, ut in omnibus actibus suis officium suum et ordinem honorent, et eleemosynas fidelium non frustra comedant; sed in omnibus Deum laudabilem faciant.

64. Si autem requiratur a me et horum in antiquis similitudo, habes superius eos per illos Levitas qui columnas et bases atrii ferebant significatos. Nam et atrium in quo mundi homines ad orandum conveniebant juxta tabernaculum, potest universalis Ecclesiae latitudinem significare, quæ ubique per mundum diffusa tanquam atrium amplum se ipsam præbet, et portatores suos, id est rectores quasi columnas et bases ferentes habet. Habes etiam illud exemplum superius memoratum, ubi dictum est quod cum sex civitatibus fugitivorum XLVIII oppida Levitis sunt distributa, quod posse significare eos qui ad regendos populos et tuendos ab impiis, longe a principibus sacerdotum mittuntur, superius demonstravimus. Quid etiam nunc de his congrue potest intelligi? a matrice enim ecclesia quasi a tabernaculo et a pontificibus quasi a filiis Aaron accipiunt potestatem regendi populos.

65. Si autem requiras a me de illis qui solummodo clerici vocantur et canonici non sunt, quomodo vivere debeant, legere potes Hieronymi librum ad *Nepotianum*, et alium ejusdem ad *Oceani*. Lege etiam Isidori libellum *De ecclesiasticis officiis*, et videre poteris qualiter se agere debeant. Sed ut ad canonicos de quibus nobis sermo est redeamus, ne illud quidem omittendum est, quod duo tantum plastra et quatuor boves filiis Gerson ad deferenda onera dati sunt. His autem, id est filiis Merari, IV plastra et VIII boves tributa sunt. Fortisan enim per hoc ostenditur, quia sicut Geronites minus terrena curabant, et minus a terrenis hominibus recipiebant; sic canonici qui juxta homines sunt, quos per Geronitas significari posse diximus, quia minus terrena curant, minus a terrenis recipiunt. Filii autem Merari, qui illos canonicos significant, qui de sacerularibus hominibus magis sollici sunt, plura adjumenta a sacerularibus accipiunt, et per hoc indicant, qui sacerularium multiplicius curam gerentes, majora bona temporalia ab eis accipiunt.

66. Si autem tacitus quis apud semelipsum di-

cat, quare ergo canonici qui dicuntur sacerdotes, in matribus ecclesiis positi, potestatem super alios etiam sanctioris propositi viros, id est super canonicos et monachos habent, et quasi primi in tabernaculo Dei sunt, cum etiam religiosioribus pracepta injungunt, sicut faciunt decani et archidiaconi. De hoc breviter possum respondere, quia canonicalis ordo antiquitus aliquantulum leperat, et oportebat ut illi qui de hoc ordine inveniebantur, regendas ecclesias plebesque susciperent. Nunc autem si aliis etiam canonicis sanctioris propositi et monachis presunt, non se debent efferre, quasi digniores sint, sed modeste se habere, et illos credere digniores, quos Deus magis, postposita sæculari sollicitudine, sibi paueisque sibi commissis servire elegit, et temporalia parum curare. Perspice etiam Meraritas sub manu Ithamar filii Aaron summi sacerdotis qui interpretatur *amaritudo*, esse constitutos, ut intelligent canonici, qui Meraritis assimilantur, potestatem quam super plebes Dei habent, non sibi debere dulcescere, sed cum necessitas exercenda potestatis incumbit, propter subiectorum obstinationem, tunc debere tristari et amaricari, et cum timore et tremore suam ipsorum salutem operari.

67. Ecce de canonicis qui dicuntur sacerdotes, ut potuimus, secundum umbram veritatis, id est veterem legem locuti sumus, quid de his etiam secundum ipsam veritatem quia Christus est dicemus? Consideremus illum Levitam vel sacerdotem, quem Pater sanctificavit et misit in mundum, si aliquid fecit quod canonorum talium professioni et ordini congruere possit. Pascha celebraturus, imo ipse verum pascha futurus, quia *pascha nostrum immolatus est Christus* (*I Cor. v.*), in civitatem hoc fecit parari, dicens discipulis: *Ecce introeuntibus vobis in civitatem, occurret vobis homo amphoram aquæ portans, sequimini eum in domum in quam intrat, et dicite patrifamilias domus: Dicit tibi magister: Ubi est diversorum, ubi pascha cum discipulis meis manducem? et ipse ostendet vobis cœnaculum magnum stratum, et ibi parate. Euntes autem invenerunt sicut dixit illis, et paraverunt pascha* (*Luc. xxii.*). Repetamus ab initio capitulo hoc quod proposuimus, et conferamus discipulos Domini Jesu ex præcepto Domini introeuntes in civitatem, canonicis qui inter homines habitant, ut pascha celebrent, id est *transitum* de morte ad vitam faciendum hominibus sæcularibus proponant. Ipse enim ingressus eorum civitatem, filium pacis demonstrat per ministros Ecclesiæ suæ inter homines querere habitaculum: quod fit quando canonici vel quilibet servi Dei ab hominibus suscipiuntur. Homo vero qui discipulus in civitatem introeuntibus cum amphora vel mensura aquæ occurrit, potest indicare eos qui venientibus in aliquo loco Dei servis, modum mundationis et sanctificationis, quo indigent, ostendunt, sequi per gratiam Dei jam esse habiles, ut Christus in hospitium ubi manent dignetur intrare, et pascha

A verum cum servis suis celebrare. Et notandum quod ille qui amphoram portabat, patrifamilias erat, sed quasi unus e familia, qui jam aquam ministeriis paschalibus deserret. Unde credo illum patremfamilias hospitalem fuisse, quicunque ille fuerit, et servum talem ad aquam misisse, qui adventantes benigne susciperet, et in domum domini sui fidenter deduceret. Deduxit autem eos in domum, non solum in domum inducens, sed etiam quia hospitales esse debeant indicans. Ideo enim Dominus Jesus discipulis præcipit, ut eum in domum in quam intraverint, id est ut hominem sæcularem et jam hospitalitati deditum, ipsi qui religiosi videntur, imitari debeant. Si enim aliquod bonum opus sæculare habent in quo præcellant, in hoc etiam sanctis B viris imitabiles sunt. Nam sunt multi tales in sæculo sancti viri, qui Deum in cordibus habent, opera Dei faciunt, sicut fuit Cornelius centurio, qui antequam baptizaretur, era faciens eleemosynas multis plebi, et deprecans Deum semper; unde contigit ut post visionem angelicam Petrum discipulorum Domini principem hospitio susciperet, et baptismum ab eo perciperet. Sic et multi alii in sæculo servi Dei bona opera faciunt, sed venientibus ad se religiosis viris in bono opere perficiantur, sieque salvantur. Sæpe etiam contingit servis Dei, ut venientes ad aliquem locum Dei servitio aptum, statim inveniant aliquos ibi qui eos suscipiant, a quibus etiam locum ad habitandum accipiunt, ut ubi Jesus cum discipulis pascha manducet, et sacramentum corporis et sanguinis sui quomodo celebrari debeat instituat. Unde et subditur: *Et ipse ostendet vobis cœnaculum magnum stratum, et ibi parate.*

68. Hic inspicere licet ad cœnaculum magnum stratum mentem eorum qui Christum pauperem cum servis suis suscipiunt, et in suis habitationibus ad ædificanda monasteria locum præbent, mentem jam a terrenis elevatam habent; unde dicitur quia ipse homo cœnaculum ostendit, quod in superioribus semper constat. Magnum vero est, quia dilatatio suo animo illud offerunt. Stratum vero, quia ad omnia pro nomine Domini prædicando et dilatando paratum est.

69. Sequitur vero in Evangelio: *Euntes autem discipuli inrenerunt sicut dixit illis, et paraverunt pascha.* Cum enim servi Dei veniunt ad civitates, et loca ubi Christiani morantur, si veraciter Dei servi sunt, inveniunt fidèles qui eos suscipiant, qui eis ad serviendum Deo loca præbeant, ut ubi pascha præparent, id est homines inter quos vivunt, de morte ad vitam transire doceant. Tale pascha desiderat Jesus cum discipulis manducare, ut faciat in hominibus voluntatem ejus qui misit illum, et ut perficiat opus ejus.

70. Sed dicit mihi aliquis: Quam convenientiam ostendis de hoc capitulo evangelico ad canonicos qui inter homines vivunt? Nunquid ista omnia non possunt habere alias significations, et aliis servis Dei congruere? Respondeo ad ista: Scio quidem

hæc ab expositoRIBUS sanctis aliter pertractata, sed A etiam in hoc ordine plures inveniuntur, qui ordinem suum aliquantis per honorant. Habent etiam plures eorum antiquas communes domos, ut est claustrum et refectorium, et frequenter etiam sæpius simul comedunt, audivi etiam quosdam simul quiescere; qui autem bene faciunt, alias sui ordinis viros ad similia invitent, qui autem adhuc infirmi sunt, fortiores imitentur.

Introeunt enim in civitatem, ut pascha celebrent, id est viam de morte ad vitam sequendam ostendant, manent in domo cuiusdam, cum unius præ cæteris devotio eisdem domum ad habitandum facit, vel in professione sua, et ecclesiam et domum faciendam concedit. Ostendit et coenaculum magnum stratum, cum talem locum aptum supernis officiis demonstrat. Potest etiam iste quidam homo evangelicus plures indicare vel plures esse, sed unus dicti sunt, propter unanimem erga Deum et servos ejus voluntatem. In tali etiam loco pascha a discipulis præparatur, et a Jesu desiderabiliter mandatur, cum mansiones fratribus Deo servientibus aplantur, ut in conventu fratribus psallentibus et orantibus, et in nomine Domini Jesu congregatis, in medio eorum deambulans ipsorum profectibus resiliatur.

71. De domibus etiam communibus, quas plures eorum non habent, si a me requiras, quid respondeam nescio, nisi forte quis velit dicere eos et singulatim posse manere, et de communi posse vivere. Hoc enim et apud antiquos eremitas invenimus, quorum plerique per cellulas suas manebant, et tamen de communi vivebant. Si autem hic similiter fueret, nihil aut parum cellulæ vel domus divisæ obessent. Sed cum unusquisque familiam aggregat, insuper et mulieres secum manere permittunt, tu ipse vides quid inde contingat. Sed ut aliquid etiam congruum de habitationibus eorum dicamus, quorum bona laudare volumus et diligere, in pluribus locis ipse locus habitationis eorum ecclesiæ fabricæ est contiguus, et claustrum appellatur. Audivimus etiam in pluribus locis observari, ne quid in toto illo spatio sæculare agatur, ne quid a quoquam jocosum aut minus religiosum fiat. Feminas etiam ab illis locis arceri, et gratias Deo, quod

A etiam in hoc ordine plures inveniuntur, qui ordinem suum aliquantis per honorant. Habent etiam plures eorum antiquas communes domos, ut est claustrum et refectorium, et frequenter etiam sæpius simul comedunt, audivi etiam quosdam simuli quiescere; qui autem bene faciunt, alias sui ordinis viros ad similia invitent, qui autem adhuc infirmi sunt, fortiores imitentur.

72. Si autem requiratur quem tales canonici post Christum et ejus apostolos Patrem institutionis hujus et ordinis sui debeant appellare, nullum alium melius invenimus, licet multi præcesserint, qui clericorum Patres fuerint, quam B. Augustinum. Ex eo enim quod prope civitatem Hipponensem ecclesiam fratrum secundum Regulam, sub sanctis apostolis constitutam instituit, pater illorum qui juxta homines sunt recte appellatur. Ex eo vero quod in episcopio positus, cum fratribus etiam communiter vixit, eorum etiam qui inter plebes cum episcopis vel sub episcopis degunt, pater fuisse jure dicetur. Exstant etiam sermones ejus de vita clericorum habitu, ubi apparet et eos qui ante episcopatum ejus cum eo vixerunt, et eos qui in episcopatu cum eo manserunt, simil modo communiter et regulariter vixisse. Quod autem in hoc ordine agitur de quo loquimur, si bonum est, teneatur; si vero pravum, corrigatur, ut Christus in eis laudetur, et cum venerit judex omnium unusquisque in suo ordine resurgens præmia æterna consequatur.

B Precor autem charitatem tuam quicunque hæc legis, si talis es, cui Deus tribuat intellectum, si aliquid boni inveneris, benedic Dominum; si vero aliquid dissonum et incongruum inveneris, statim corrige, quod notable repereris.

C 73. Descriptis igitur duobus tripartitis ordinibus monachorum et canonicorum, quorum partitio prima dicitur eremitarum, qui frequenter et a veteribus monachi appellati sunt, uno autem qui non in numero ecclesiastice Regule, id est monachorum sæcularium solummodo tecto et relicto, et de medio ecclesiæ utinam sublato, aliis vero ordinibus pro posse commendatis et laudatis, hic primus liber professionum vel diversorum ordinum qui sunt in Ecclesia finem accipiat.

(In ms. codice desiderantur alii libri.)